



南邨詩集目錄

卷之一

永思堂詩爲董仲資作

鏡歌鼓吹曲二章

擬古用陸國隱韻三首

郊居次韻張善初

憫鶴次韻顧語谿

洪武癸丑八月二日與諸暨趙用賓黃漢章

趙自立江陰孫大雅大年丘宗岱程傳可



同遊鍾山分韻得落字

遊查山分韻得日字

戊寅正月四日紀實

乙卯人日

聽輔師彈南薰

紀行

秋懷次戴景仁韻

雜詩

酷暑謠

折楊柳送夏西疇謫居大梁

算春謠奉和正齋承旨韻

題趙魏公秋林曉行圖

風雪上巖石

題李州銘所藏毛澤民山水

題江山萬里圖

送李孝廉至剛之京

中秋不見月歌

聽琴行

曹氏園池行

過太湖

過膳脂河

雲莊畊樂三十韻為升遠賦

題沈繼先東林小隱

題雪上張元之溪居卷

卷之二

南邨雜賦十首

南邨後雜賦十首

元日試筆次張泉民讀書莊雜興八首

次姚憲僉原禮韻簡明上人古鏡六首

曹雪林夜宿草堂有詩因次韻

對雨

元宵

游查山

役役山采

次郁鈍之韻

夢游華頂峰題詩于壁

百世詩集 三  
詠佳人效香奩

著擁執徐之歲三月望後一日率僮僕抵鍾

賈山采薪供爨至四月朔歸每日陰雨

寄夏原舟時從軍瀋陽

寄題性源上人清影軒

丙子元日

中秋不見月

十六夜翫月次韻簡明上人古意六首

中秋夜陰次永泉兄齋書葉鞿與八首

十六夜獨酌

十七夜傷感

過蕭塘市

閱畊地賦

龍鍾

濯足

歸途徐邨阻風

簡顧秀才

西湖紀興

五里塘

南邨對雨

和鄭南榮韻風

癸亥元日

元夕

過顧城湖

巳卯中秋

中秋

辛巳中秋

九月朔日庭前白菊開花

丙寅中秋

十二月望後一日輸粟金山衛

十月十一日夜夢中賦詩一首既覺忘前四

辨句枕上足成之首

十月廿六日喜雪分韻得同字

庚辰元日

九月四日遣愁

哭王黃鶴

乙丑十月廿八日得鄉人林序班公輔寄聲  
報舍弟夢臣沒於道未知月日地所二首  
哭馬平主簿夏原威

挽陸北岩教諭

挽趙雲居先生二首

送何伯溫還鳳陽

開鑪日有感是日始見霜

挽張雲莊宗禮三首

洪武癸酉正旦雨明日雨中夜雷電又明日

雨四日陰曠嚴寒西北風大作口號

九日雨

二月六日雪

庚午七月三日大風雨視丁卯歲爲尤甚獨

甲淞江若此他郡無有也

六月廿九日喜雨

二月朔夜中雷始發聲三日寒載嚴雪大作

七月三十日雨

洪武丁卯臘月癸亥雪

南唐詩集 六  
臘月初二夜雪

十二月十三夜雪

正月十二日雪 故發聲三日寒燠風雪大勢

至日聽雨日喜雨

甲子又晴出少微寒

元宵雨凡三日入春後雨丁卯秋為霖

連日積雪釀寒曉起見雪臘月十一日也

九月廿七日

和董良史憲僉西郊草堂雜興八首

次韻寧熙中上人如蘇紀遊十首

華山阻雨二首

喜晴山泉上人

滌山行偶興劉少岩贈三首

遊天池臨清景懋三首

遊靈巖林泉五首

遊天平菴與齊文肅四首

遊南峰寺

沈一菴山居



宿觀音寺

尋僧不遇

張建寧賦詩見寄次韻四首

次韻荅張林泉五首

次韻荅陳祠部景祺三首

新春風雨次陸北岩韻三首

次韻荅山泉上人曦

次陸北岩韻二首

嚴寒次粟隱德上人韻二首

登千山次林泉徵士韻二首

周萬竹知紹興府日其家梅花盛開西賓張

林泉作詩寄之及簡越上諸友因次韻二

首

次胡安州韻

萬山遺叟以所作中秋重九二詩見示諸公

和之已多勉強效顰二首

五月菊

次夏西疇韻

題德如海上人聽松軒

寄題陳孟文叢碧軒

小游仙詞雪後一日甲子作

借韻荅清谿邵先生

借韻荅宗高王架閣

借韻荅牧菴上人謙暨無心野人

七夕次萬山韻

登超果寺一覽樓次林泉民韻

次韻荅邵清谿先生

雪次陸靜菴韻

胡萬山脚氣陸北岩遺詩問訊因次其韻

感懷次韻

中秋翫月次胡萬山韻

次張林泉韻

卷次韻荅胡別駕

正月二十有六日余與邵青谿張林泉會胡

萬山夏雪叢俞山月高彥武張賓暘于余

巖北踰嶺而南訪陳孟剛席上分韻得船字

題張惟德清逸軒詩卷  
過沈汝舟故居次范宏遠韻  
次萬山韻  
卷之三

曉起

題王筠菴水邨山居二首

錄宋宮人語

對月

熟食日有懷

西湖晚步題湖山堂

長安市

九日

獨坐簡趙彥徵

曉發松江

次邵冠軍客中見寄韻

皆夢軒為陳汝嘉賦

偶成簡錢曲江

寄贈葉子澂

次謝士英韻

春雨初晴沈野亭見訪

次夏士良戶侯韻

秋懷次夏停雲韻

送陳平仲

讀史次謝元素韻

樂靜草堂為衛叔靜賦

次韻荅楊廉夫先生

夜坐

梅花陽

守歲次謝高潔韻

機山懷古次趙廷采韻

長至日林泉偕雪林踰鳳岡訪友聯句次其

韻

催梅為雪林作

代梅荅

次景訥菴韻送廷采

先照樓為玉無瑕上人題

聽雪為孫以貞賦上人賦

八月十五夜玩月次韻

次胡別駕韻寄李儀曹至剛

小園卽事次胡廣文若思韻

緋桃次韻同前

萬竹林為鶴砂子廷立賦同前

九日次韻

張林泉九日寄詩次韻答之

新寒寫懷次韻

壬申十二月廿九日林泉抱拙伯仲萬山別

駕同宿三味軒得何字

立春次韻

雨窗會飲分韻得雞字

和琴清萬山五日雨窗酌酒賦詩韻

夏原舟寄詩求謨其先子墓銘次韻答之

贈良介菴上人

化城寺悟本心上人有軒修竹中今寺與軒

幻為劫灰瓶錫游方自號竹軒志不忘也

送潘貢士魯璵  
送人才殷惟中  
甲戌元日次韻

送呂仲徵知縣之官武平

題顏近仁清風卷

題朱文儀松軒清賞卷

贈樂安居士張彥載

題王孟京先生采芝生卷

賞牡丹次蕭古齋韻

次韻送張處善歸楓谿

代賦借鶴

中秋對月有感

又次冰雪翁韻

送萬用謙歸豫章

題翟景泉空空室

雪中偶成次書莊叟韻

和山翁寒夜竹所宴集韻

立春次韻

除夜次韻

丙子元旦次韻

暮春分韻得青字

水西畔隱為林彥祥賦

次韻自述

九日次韻

平湖為山陰鏡上人賦

次曹雪林見寄韻

千山訪曹雪林劉深雲周雲陽看菊花雲莊

有詩次其韻

並頭鶴頂紅菊次雲樵韻

黃白二色菊

次林泉韻簡雲莊

丁丑元日分韻得生字

謁貞烈廟

過石臼湖

三月朔日入都門

二日早朝

到家

過鳳山錦溪橋

白醉樓為范文鉉賦

送王忠廣還常德衛

蓮月軒在華亭東林寺為矩菴方上人賦

寒碧軒為玉岩璉上人賦

洪武三十一年閏五月初十日亥時大行皇

帝崩十六日皇太孫即位十八日大赦天

下改明年為建文感而恭賦

閱畊

中秋夜對月

乙卯元日

題唐涿州橫雲草堂

城市山林為孫子華賦

送上海知縣司公守道赴召

送人才何公遠

題靖州衛陳指揮凌雲堂

次胡萬山韻荅陳祠部



題沈宗文竹梧軒

送俞知縣嘉言之魯山堂

送友之官公

送李給事中行恕服闋之京師

五日次萬山韻

景辰張先生較文福建歸林公崇高画閩溪

放權圖賦詩其上以餞因次韻就題

松齋爲玉峰秀上人賦

鍊簫爲張以道散人賦

題許彥清松鶴軒

臘月廿七日雪

送教諭沙允恭赴禮部試易經

送夏西疇還寧夏

送道士葉道心遊武當

送陳子章赴王家灤館所

送戴叔溫赴京

送廷采還黃鶴山中三首

送邵升遠應聘之京

送張有秩御史制闋如京師

送錢敬叔歲貢赴禮部首

送薛應翔人才之京

送徐思勉應聘書誥敕

送曹士望應聘書誥敕

送貢士蔣時俊之京

送張宗武

贈龜卜金谷祥

志喜

次天淵韻二首

邵弘遠用陳祠部韻賦詩見寄和以荅之

送鄉貢進士錢宗善餘慶吳時緯仲文吳克

八潛綱赴京會試

和張賓暘西疇汎舟韻二首

故社士姚文實輓詩

哭趙廷采儼

悼周通玄鍊師

臘月癸亥立春喜晴三首

巳巳七夕立秋次胡萬山韻

白露日桂花開次張一高韻

洪武庚午正月七日雪

十日喜晴

七月廿四日喜雨口號二首

八月初二日喜雨次林秉彝韻

十一月廿七日雪賦禁體詩一首明日小寒

七月十四日書事

卷之四

題墨竹

題紈扇折枝竹

題画菜

題飛鳴宿食百鴈圖

題林亭高士圖

題落花游魚

題王黃鶴竹石便面

趙海寧長松高士圖

莫春雜興次顧君舉韻

趙待制山水題蘇舉貽

侯仲冶風雨歸莊圖

清曉過南屏

宮詞三首題王叔明士女

題張渥湘妃鼓瑟圖

題實相海上人滄江一葉詩卷

次韻曦講師南仲牧閑園雜詠十首

題画二首

抱琴高士

停舟高士

次韻題柳燕

題楊士賢山水

風雨歸舟

雪林行旅

題馬遠竹溪吟奕圖

為謝居士題画册

山中隱居

題竹深避暑

題本原上人悟雪卷

題袁安臥雪圖

題綠竹蒼石圖為萬竹山人壽

題画梅

紅梅

墨梅

題墨芙蓉

題和靖觀梅圖

題趙廷采溪亭讀書圖

題雲莊畊隱圖

題觀瀑圖

題雙松獨釣圖

題張叔清采菘圖

題夏士良修篁芙蓉

題画菜

題梅鶴高士圖

客窗聽雨四絕句次南山韻

題詩意圖

題倪雲林枯木竹石小景

題墨梅兩四餘句大南山齋

開泖口號四首

題鷓鴣

題金華趙彥如所藏畫軸

題和靖擁爐覓句圖

題黃葵

題雪景山水

題葵花雉雞

題人物山水

爲許玄伯題畫

黃菊

緋桃

題黃葵聚蝶圖

題清暑觀瀑圖

題倪元鎮雲岫溪亭圖

題林子山畫次韻

題荔枝

題曹雲西雙松圖

題萬玉圖

題王若水戴勝

慈雲十詠

靈峰古刹

慶雲禪關

嗜師全身塔

竺師覺花堂

運師芥子室

蒼筤林

松閣看雲

蓮池翫月

層巒拱翠

雙溪環碧

庚午十二月十八日雪聞雷

辛未八月廿三日大風雨口號

辛未子月廿三日

癸酉五日六日陰七日雨

穀日雨日六日劍七日雨

九日雨日廿三日

赤脚雪日廿三日大風雨日熱

十二月初一初六兩日聞雷

丙子五日甲子雨

三日率諸生赴禮部考試

十日給賞

十一日謝恩

八月六日白露

廿三日

二月六日日出二竿許松江府城為黑氣蒙

蔽若重霧然人對面莫辨誰某一飯頃乃

散附城五七里間亦如是較之城中則稍

輕耳此時處處鄉邨風日妍麗

臘月五日早霜

月九日二日亥三更雷啟身

廿八日雪日

十一月朔大雪節早見雪西北大寒



臘月乙卯日巳卯時雷從西北方起

正月十七日

正月廿二日夜三更雷始鳴

南浦五日早雷

一萼紅

賦紅梅次郭南湖韻

露華

賦碧桃用南湖韻

念奴嬌

九日有感次友人韻

木蘭花慢

次胡筆峰遷居韻

月下笛

賦落梅

頌壽詩

月可曾

入山學

六蘭詩

南邨詩集目錄

終

六文人贈

南邨詩集卷之六

天台陶宗儀九成著

永思堂詩為董仲資作

子之於親思無不至生育恩深與天地媿一別千古終養莫遂永言孝思思曷有既爰陟我屺爰陟我岵瞻望莫及心焉如燬露雨降濡秋春收履悽愴怵惕感時撫已居處笑語志意樂者書冊栝圈手口澤氣食而羹只居而墻只如將見之愛慤並致我身之存親為不死豈敢一日忘迺所自思繼

其志思述其事思貽令名作則錫類奕奕高堂奐  
乎百世名堂者誰繫仲資氏子孫繩繩衍休委社  
方來之思有引勿替風矣詩志意樂音書世世國  
舜鏡歌鼓吹曲二章樂靈雨判雷林春文氣對  
古餘春至正丙午夏秋之交彌月不雨民以菑告  
于公錢塘張野賓者得法於靜樂君禱輒有應  
永時留松江郡父老請建壇城北門翼日乃  
雨大夫士作爲文章歌咏以美之因製漢  
南神清鏡歌鼓吹曲二首云

大  
屢豐年上帝閔農也帝德好生易菑爲祥  
焉夫

屢豐年群生熙癘我旱寧怨咨星火烈螟螽滋苗  
而不秀歲且薦饑精誠格天聽允惟念之命幽靈  
擊妖魍龍膺捷疾先後馳金精流光淫虹糜四溟  
黻黷甘雨時積水彌九野稔而可期不殄禋祀上  
帝是祈

旱既甚張君闡化也君積功累行有禱而  
早獲其天應之

早既甚金石流苗恙槁民煩憂疇能祈天致天雨  
曰惟張君驗之屢零壇長跪恭進詞黑札玄文啟  
雷祖開陽縱陰理則然叱電鞭霆一何武暘烏鬱  
光祝融奔淵龍起螫商羊舞甘澤及我私田里長  
驩娛擊壤歌至正厥功匪君誰  
擬古用陸國隱韻  
古人重節義出處蓋弗苟而我何爲者南北事奔  
走惻惻懷故里去去成老醜富貴不可期聊以酌  
我酒

其二  
浮雲蔽頽陽涼飈謝繁綠氣化相尋繹百歲一何  
速達人意有在豈復傷局促且持盃中物對此籬  
下菊

其三  
王風萎衰周人紀壞狂秦大樸變哇淫雕蟲蠹天  
真迢迢百世下禮樂就沈淪尼父不復作聖道詎  
能新  
南郊居次韻張善初  
太平生無幾甘公志

南邨有遺逸白首軫黎元平生厭趨競甘分老丘  
園未知軒冕貴但識綱常尊匪敢異流俗亦云道  
所存縱酒破愁壘煮茶些詩魂仰見衝霄鳥剡剡  
脫塵樊俯憐縱壑魚戢戢含愁寃懷哉鹿門龐以  
安遺子孫苟可脫世慮何辭農事繁深衷誓無渝  
持此與誰論

憫鶴次韻顧語谿

豪家闢池館千金買猿鶴青衣職餽糧雕籠塗粉  
腹客有芝田生飛佩風前落清類春水鷗奮若秋

天鶚偶觸虞羅機遂失雲松樂翻懷丁令威流睇  
青山郭不乘衛公軒詎中唐帝繳滄海幾揚塵丘  
陵或爲壑主翁載馳驅高情漸衰薄俄然憂患來  
難以談笑卻玉帛奚足云繁華頓成昨宗族永參  
商妻孥苦凌虐出獄攜敝裘徙邊無遠橐而汝混  
豢藟編名從寄泊鍛翮并州刃驚夢周廬柝長鳴  
聊自悲俛啄亦云怍雖愁蕙帳空莫厭雞群惡念  
彼遠行征視此更離索淚落返哺鳥愁對青城雀  
安能招汝游吹笙上寥廓

洪武癸丑八月二日與諸暨趙用賓黃漢章  
趙自立江陰孫大雅大年丘宗岱程傳可  
同遊鍾山分韻得落字空莫爾  
鍾山毓靈秀寶坊炫丹牖玉氣接闌闌冷飈洒巖  
壑泉球石罅鏘松籟空中落吐詞極名理摘藻騁  
奇作嘉會難重期斯游諒云樂矢言謝囂煩永志  
在廖廓

游查山分韻得日字  
雪後天象清維時月初吉三老山中居杖藜乘興

出總訝神仙流衣冠兼散逸叩我東家門造我讀  
書室主人重畱連開尊叙真率傾寫間別懷氣義  
等膠漆送別河梁上悵然若有失快行莫遲遲猛  
虎嗥落日

戊寅正月四日紀實  
臘月廿八日風起東南方歲行在丁丑氣候異尋  
常和煦過於春入夜風怒狂廿九日禺中蟠螭粲  
龍章或雨而或晴至晚天昧茫隱隱雷發聲燂燂  
電流光狂風轉西北徹宵吐寒鋏除夕猶未息地

凍萬木僵正旦興啟局雪積二寸強三冬未曾覲  
對之神肅爽九朝方是春亦可紀嘉祥老農乃見  
謂夏秋旱相望二日三日來風力轉披猖四日值  
壬子晴朗開孟陽嘗讀通政經冬雷未爲滅十旬  
要陰晦民庶有菑殃載憶變異錄尤覺熱中腸禾  
稼不稔熟喪亾起饑荒華亭連二禩旱澇苦莫當  
口食不暇給奔走營餽饗上帝必閔念爾農勿憂  
惶雨風順以調萬姓保安康

乙卯人日

元日至人日未有不陰時甫也昔所云屢驗信弗  
疑今歲異常歲萬口稱稀奇一晴連七朝春氣卽  
盎而輕烟散微暄麗日流祥暉谿山逞德色草木  
帶光輝羊猪狗雞利馬牛被郊畿民物鮮疵癘禾  
稼其蕃滋天子居大寶念民日孜孜上帝昭聖心  
報錫以雍熙水旱不爲虐雨風常適宜四方習禮  
樂八表底清夷古道曾弗泯薄俗還可移賊貪強  
黠徒廉正當自持慈愛撫幼小孝弟奉期頤斯理  
乃必然蠢爾蓋未知我生頭雪白何幸身見之但

願飽喫飯百歲遠爲期

聽輔師彈南薰

深邨隔疎雨一塵飛不到輔師抱古琴叩門忽遠

造解囊理冰絲下指卽高妙涓涓流水心楚楚南

風操聲稀意自足味淡趣自與別去殊可人谿頭

送清嘯

紀行

弭權中和橋僦舍千步廊報名謁鴻臚會朝遙鵠

行國安四方靜君明六卿良聖德湛汪濊慶祚衍

靈長退率二三子躋彼容臺堂應試式中考青衿

解趨蹌寢處不暇逸倏爾十日強賞謝旣已竟迺

遂戒趣裝挈書別居停驗符來正陽門籍甚昭著

門吏更審詳左入而右出御道在中央張拱謹步

驟寧敢相頡頏俄然豁塵眸紅杏映綠楊琳宮闕

神樂寶殿祠玉皇

日未曛放船漫翔洋有客畱且住燒燭羅酒漿語

笑忘夜分月白露氣涼晨興未果別叩關過上方

上方距方山駐望路渺茫沙河走其下水淺可濫



觴行行莫能前恨弗凌雲翔展轉烏鵲疇滯礙了  
不妨迤邐廣通鎮長流浩湯湯緒風力健順舟子  
意激昂画鷁噴巨浪輕帆挂危檣篋篋緘賜金照  
耀發寵光橐囊貯齋糧往返迪吉康茲行非浪游  
素願誠我償計程七百里便可還寓鄉兒女出門  
迎童稚列兩傍膝下問起居歡樂諒非常

秋懷次戴景仁韻

商飈解殘暑南邨生早涼弄琴理書帙雅思一何  
長衰蓮送餘馥叢桂吐幽芳泉清茶鼎潔簞細石

牀方人生能有幾孰可駐流光顏鬢漸衰改事業  
終荒唐既無俗累縈所喜心凱康眠早起常晚肯  
與世怱怱春來喧鳥雀秋至響蛩螿萬化相尋繹  
寒暑去堂堂非是總不營有酒卽舉觴日夕歡一  
醉身世兩都忘

雜詩

顛倒持太阿乃以柄授人人或有怨惡寧不傷吾  
身喟彼秦二世委政託姦臣指鹿以爲馬非是孰  
敢云願言把劍者名器宜自珍

酷暑謠

庚辰六月十日  
至廿三日酷暑可畏

火雲萃嶽火龍劣火星熒煌火光泄田疇龜坼土  
鱗皴海波鼎沸泉脈竭直疑天地作紅爐黃金可  
銷石可裂年年三伏暑固隆未有今番如此熱兀  
坐渾如墮甌中又類餘醒共羈縲支惰放肆倦舉  
舒舌吐莫持嬾言說霑賜誰能玉井水消煩欲踏  
蓬婆雪農夫農婦有死者道上行人多病暍邊庭  
將士其奈何鍤甲銅盔汗流血願祈甘雨洗炎歊  
普爲民心蠲蘊結

折楊柳送夏西疇謫居大梁

折楊柳贈君別楊柳未折心已折丈夫落落志四  
方到此誰能不嗚咽江南九月天雨霜雁聲墮地  
秋風長出門行行幾千里寒烟落日增離傷令嚴  
獨許攜家室藤笈編花載書帙可憐身上千金裘  
阿嬾手縫鍼線密吾聞中原百戰餘民物鮮少城  
邑虛君去結廬得幽勝便可小擬西疇居荆秦塞  
路猛虎伏鬪髀如山冤鬼哭願言緩轡毋疾驅疾  
驅恐防傷馬足折楊柳歌苦詞呼酒酌君君莫辭

黃河之水東南馳人生會合還有時  
莫春謠奉和正齋承旨韻  
風颺颺雨蕭蕭東皇促駕車載膏墮紅殘萼芳草

深嬌香壓地膩不消繡屏寒逗熏沈腦愁重燕支  
倦梳掃玉關萬里人未歸風雨一番春又老

題趙魏公秋林曉行圖

疎林慘淡月欲墮嫋嫋哀猿啼一箇橋危霜重白  
於銀蹇驢行澀輕踰破魏公人品世莫儔平生快  
意居庸遊戲將丹青寫八法西風黃葉江南秋功

名到手辭未得玉帶金魚疲峻陟他季解印賦歸  
來濯纓亭下鷗波碧

風

蘇湖嘉興松江昆陵諸處皆然  
後聞湖廣江西亦同浙東尤甚

洪武丁卯閏月終暴風忽從鬼戶作故人  
不來君子藏巽二踴躍蜚廉惡或嘘或嘯或怒號  
匪雄匪剛匪羊角倒掀渤解鼓雷霆簸蕩堪輿撼  
山岳萬頃嘉禾盡偃如十圍古樹猶拔卻塢輪震  
墮聲鏗錫屋瓦亂飛勢揮霍鳥雀驚仆渾已僵虎  
豺戰慄如可縛萬民失色一翁云八十七年無此  
若小齋

斗大容老夫斜雨敲窗打牀脚徑侵衣被及琴書  
毒甚卷茅欺我弱何不廣莫掃兵塵何不仲夏驅  
炎焞尚憶當年歌漢皇普天率土皆安樂

題李州銘所藏毛澤民山水

竹雪子能画山醉來解衣盤礴羸筆力甚似荆與  
關版凳橋西懵懂樹灰堆峰前鴨嘴灘夕霏翳壑  
氣掩靄春瀑出澗聲潺湲遠岫離離斷復連湘娥  
綰結風前鬟若非子真谷口宅定有太一玄都壇  
竹雪子玉筍班面帶河朔氣態度美且嫺鳥跡印

沙文錯落蝸涎行壁勢回環物物本然具画理妙  
處豈在鑄琢間脫畧畦町掃邊幅八法默契烏絲  
闌寸楮片縑亦可愛令人只尺思躋攀此圖忽落  
李君手時復把看多歡顏老余撫景感真游清盥  
題詩卷送還

題江山萬里圖

滾滾長江出全蜀一派波濤瀉寒玉天設巨壑鴻  
濛先厥德靈長紀南服濫觴岷松畧巴梁分源岨  
峽走豫章吐吞沅澧引沱澁包括洞庭納鄱陽玉

壘蛾眉兩旁礪石鏡武擔連劍閣合江西頭萬里  
橋漢使入吳曾駐泊丈人拔地高青城翠浪起伏  
勢東傾雪山去此知幾許一覽如隔芙蓉坪丞相  
祠前森老栢支機石在君平宅浣花溪碧草堂幽  
越王宮殿成狼籍中岩林泉嘉處多相傳嘗栖諾  
詎那慈姥老龍亦共止岩阿小寺埋薜蘿渡瀘亭  
對諸夷路尚疑果從何處渡魚復浦中八陣圖前  
後縱橫經緯布灑瀕撒髮怒莫嬰黑石瘳惡茶槽  
并巫峽之險復愈此凝真觀前加震驚十二峰巒

羅翥鳳船過神鴉管迎送吒灘直接歸州灘自昔  
號爲人鮓龕黃牛廟睇黃鶴樓雲夢澤通鸚鵡洲  
赤壁臨臯纜尺咫琵琶亭下蘆花秋匡廬雄尊五  
老立大孤小孤遙旅揖彭郎磯前卽馬當九華采  
石青戢戢鍾阜龍蟠奠九州石頭虎踞當長流北  
固紆徐鍊瓮堅金焦兩點浮漚猶春申墓陰鵝鼻  
嘴角力狂瀾障厓趾烟水瀰漫豁海門亘古朝宗  
從此始彼美画師儒林英天機所到雙眼明拂拭  
素繭掃玄瀋閉戶不聞風雨聲老夫平生山水癖

白首臥游還歷歷客持卷軸請我觀題詩聊復識  
疇昔故鄉美面黜謝林英天對祖匠雙那即謝  
送李孝廉至剛之京  
鄜州同知我鄉友氣誼不啻金蘭如異縣交游四  
十載汗血復見名家駒雄姿逸態乃若是濯濯春  
風一端綺六籍諸史蟠心胸自分身名已千里至  
尊在御日萬幾宵衣旰食憂群黎宣集耆農至闕  
下能者受任否者歸歸給尺簡錄諭語方正賢良  
聽推舉邑邨爭以名姓聞生丁昌運天玉女唳鶴

灘頭江水秋雞鳴起柁逐前儔霄漢縱高從此上  
林泉雖好莫能畱朝廷禮士邁古昔除擢那能限  
資格涓埃報效盍忠純慎勿貪欺傾厥職廉能總  
稱先府君聲華軌范有持循補袞當師仲山甫作  
霖期嗣商岩人銀河斜墮月欲入晨光熹微候蟲  
急雙瓶酒盡惜睽離衫袖嫋嫋淚花溼  
中秋不見月歌  
青桐蕭索逗疏雨河漢雲流繭抽緒岩桂古香吹  
不起絡緯亂啼蛩語語曾軒四敞谿前頭犀押簾

南唐書卷之十三  
十一  
箔齊上鈎織阿御朝如走馬一年轉矚又中秋銅  
壺水滴聲聲度嬋娟苦被頑陰妒寶奩慵啟冰鑑  
韜玉宇瑠樓隔寒素升沈圓缺恒有時今夕何夕  
乃若斯欲接清輝徒悵快相看動是隔歲期疇能  
掃之鸞尾帚白兔擣藥銀蟾守老子婆婆興未闌  
蠟光高張照尊酒

聽琴行

樂經焚滅樂律亾樂器不純樂師瞽獨有羲農所  
制琴位置森嚴尚存古體修三尺六寸奇負陰抱

陽函四時上圓下方法天地前廣後殺明尊卑沈  
檀岳尾犀象足徽鑄黃金軫雕玉繭絲素絃抽鳳  
筋髹漆斷紋剝蛇腹有時漫鼓一再行冷泉出澗  
水崢嶸清鬆脆滑五調協和樂適怨憂傷并岐山  
莪莪周所起帝眷拘幽商不祀兒寒兒飢兒履霜  
殘形占夢巫咸死狄水弗涉行將歸時不我遘蘭  
猗猗龜之大兮魯之奄越裳來庭德孔施南熏化  
被民財阜杏壇教流渾未朽春江滾滾禹門遙巴  
蜀雪消綠於酒凌虛御風飛仙猶廣寒宮闕三郎

游霓裳羽衣天上譜陽春白雪還能訓明妃出塞  
辭漢主獨抱琵琶淚如雨文姬心事果紛紜拍拍  
胡笳兒女語白雉朝飛挾兩雌老烏夜啼傷遠離  
嗟哉無傳廣陵散別鵠未作妻苦悲長清短清彈  
一過長側短側要安挫三弄梅花画角哀鶴鳴九  
皋其子和栩栩蘧蘧蝶夢闌起讀離騷身佩蘭大  
雅不作哇淫滋隱德忘機鷗共閒漁翁汎汎滄浪  
艇瀟湘水雲千萬頃何似山居吟嘯日樵歌響荅  
烟霞暝短帽輕衫美丈夫觀光上國騎氣都風雷

震盪比豪俠酒酣擊劍歌嗚嗚改絃別奏清商曲  
秋鴻飛雲聲斷續悲風颯颯皎月流欸乃悠揚疑  
擊筑修真理性反天真淳古淡泊孰可倫起伏抑  
揚符至理情閒手敏妙入神焚香靜聽出塵表昔  
焉搏拊今衰老江南巨擘似公無高山流水知音  
少中堂日更新詩思且何西琴尊未盡  
曹氏園池行  
浙右園池不多數曹氏經營最云古我昔避兵貞  
谿頭杖屨尋常造園所炳也欸語陪從容其先來



自溫許峰裕垂系胤二百載發于迺祖雲西翁翁

之交游皆吉士趙鄧虞黃陳杜李趙文敏鄧文肅

陳監丞杜待制或銘或記或篆顏華構暈飛耀閭

里中堂曰厚德茂存翼室且可栖琴尊聿求雅志

尚貞白玉照彷彿南湖瀆厚且求志玉古齋先世

手所結祖德有光增古節日長清靜講玄虛淡然

自立止於潔右古節常清靜玄虛素軒瀟灑綠陰

腴揮塵劇談捫蝨如玄裳長鳴宵警夢玉靈藏六

晝尸居素捫蝨皆軒名紅杏作花錦千樹簾卷高

樓聽春雨曾臺甃近小蓬萊正是雪月最佳處春聽

雨樓名雪月曲折映帶總幽亭潔芳頃步連窪盈

忘形絕念閉息影繙書寫經開遂生索笑石缸水

清淺灼灼疏梅封碧蘚有時怡曠倚闌干九點晚

山清且遠潔芳窪盈息影遂生清淺洞房塗墍雪

色新瑩可受采無纖塵溫火試香局画閣亂雲靄

靄中藏春受采雪洞名溝渠流月金瑣碎緩踏修

梁曳環佩露影晶熒夜色澄恍若霞川躡虹背流

霞川躡長歌楚誦聲珊珊后皇嘉樹霜丸丹煖風

細香懷晉逸一身眷戀花竹間

楚誦煖香晉逸花竹間皆亭名花

卉紛芳四時好竹本幾般栽未了牡丹富貴芍藥

奇薜葡萄婆娑木犀老蒼松百尺上衝天幽蘭猗猗

被深淵菡萏解語淨如拭芙蓉弄態嬌以妍孤峰

危立當月竇厚重不遷仁者壽先知稼穡用能勤

別敞遺安閱耕耨

月竇仁壽橋名遺安堂名

賓朋滿坐冠峩冠

投壺散帙罄交歡桂酒椒漿麋鹿脯瓊觴翠釜琉

璃盤運去氏微遘菑變聞望功勛等飛電地脈衰

疲草樹焦頽垣斷址低昂見廿年汨沒軍旅中王

事驅馳西復東賢郎告代喜賦歸問里尋隣夢寐

同百感傷心淚橫臆復新基構難為力行囊點檢

得舊題時時展讀聊自適老余艤櫂訪曾經狐兔

窟宅鴉鵲鳴獨立斜陽三嘆息泚筆吟就園池行

過太湖

揚州巨浸日震澤厥功底定存禹跡世傳三萬六

千頃周五百里渺無極誰散群峰亂碧流七十二

點青螺浮吐吞中吳者八九勢灑直與東溟侔魚

市微茫漁屋小酒旗搖曳楓林老岸花汀艸晚離

離雲氣嵐光春悄悄吳越英雄今幾年鴟夷長往  
終不還龍虎戰爭歸一統蛟鼉掀舞藏深淵南風  
破浪船頭響王事有期誠鞅掌問程已過馬跡山  
落帆轉入沙掌港萬雉金城路尚遙篙師宵征寧  
憚勞後月朔旦無多日玉筍聯班要早朝

過臙脂河

臙脂山頭平劈破一道長谿此中過匠人十萬斧  
鑿功疑是六丁天所課危橋挂空若生成石壁千  
仞開錦屏兩邊羅列入九里吳艤蜀艚西東征四

方職貢紛聯絡楊子大江風浪惡九重宵旰勞聖  
心特敕有司亟興作左通銀墅右沙河滔滔湛湛  
皆恩波可憐伊昔六代時無有及斯竟若何老臣  
挾書朝帝所拭目奇觀喜欲舞稽首作歌頌神武  
磨厓鐫刻昭萬古

雲莊畊樂三十韻爲升遠賦

海寓封疆近朝廷事業昌千官行政教萬姓務耕  
桑有美張文學端然世表章亢宗恢雅量卜地構  
新莊東面波通泖南頭澤滙洋九山魚米處一曲

水雲鄉氛靄翔鸞鵠峰岑舞鳳皇田疇平若按畎  
澮浚如隍徑窄黏蒼蘚橋低蔭綠楊雞豚婦落照  
鵝鴨戲方塘投老栖身穩終年引興長程期稽七  
月候序驗農祥苗播加勤懇芸培敢怠違飯休催  
荷鋪鍾動課移秧襪襖居常織汙邪戒勿荒螟蠶  
遺種絕杭秫瑞葩香犬吠姿雄猛牛馴力盛強蠶  
眠絲吐白麥秀浪翻黃花霧琴尊潤林霏枕席涼  
漫浮蓮渚權爛醉菊籬觴夜雨防衝岸秋風趁築  
塲疇春窮蚤莫斂穫富倉箱覆載恩深感征輸歲

謹將艱難天所鑒報稱理之常里社邀皆夫時豐  
喜欲狂綵衣娛阿母縹帙教諸郎別墅矜裴相平  
泉鄙贊皇百花唐人詠五柳晉流芳昭代能求逸  
高懷孰可量吾將結隣並晚節共徜徉

題沈繼先東林小隱

綠楊深處路縈迂此是東林隱者居古屋數楹茗  
涖若清溪一曲輞川如風前竹曠能頻灑雨後蔬  
畦或自鉏岫色浮空排闥近波光漾日上簾虛攜  
琴訪友行觀稼展席呼兒坐釣魚逸興每邀明月

飲雅懷常共白雲舒種花有譜晴多好擢桂無心  
夢久疎濡筆漫修高士傳焚香偏讀古人書未辭  
活計同鳩拙故喜形骸類鶴臞亦欲放舟尋舊約  
相期當在早涼初

題書上張元之溪居卷

清溪流白雲關處士高標玉筍班虛館數楹愚  
刻似好山十里畫圖間風前高柳株株弱沙上群  
鷗箇箇閒煮茗汲清童子小引雛哺果鳥聲蠻斫  
魚自可開尊俎肅客何妨響佩環避世武陵同絕

境濯纓還許散襟顏

南邨詩集卷之一

終

南邨詩集卷之二

南邨雜賦十首

平生耽逸趣久矣謝浮榮計左真鳩拙形臞類鶴  
清晚風谿艇釣春雨石田畊此日容衰老徜徉樂  
太平

屋小長林束邨深四水通睡因閒處熟愁向醉時  
空鵝鴨春波綠牛羊晚照紅歲輪公賦足泚筆紀  
田功

門對山殊遠谿回路覺賒入城因買藥租地爲栽

南唐詩集  
卷二  
花草草枯盤數悠悠興緒嘉今年官稅急月下響  
縲車

編圖從入甲養子慮添丁閣筆焚三策攜鉏帶  
經語多隣叟醉妖勝里巫霧俗薄何須較柴門盡  
日尙

徑微深草沒橋仄亂雲藏簷角聯漁屋籬根繫野  
航雨餘晴溜碧天迴晚山蒼回首關河隔并州是  
故鄉

家貧田亦瘦身惰禮全疎囊錦新吟藁篋藤舊著

書小童能理權稚子學將車何幸無榮辱長年此  
逸居

客分疎雨去人帶斷煙畊地曠乾坤大心閒景物  
清藥材書券貫琴直典衣更歲歲西疇秫深憑送  
此生

池塘纔半畝浦漱走三江斷壘春煙犢疎籬夜雪  
厖消搖浮晚艇寄傲倚南窗采藥鹿門遠誰能逐  
漢龐

遙岑浮碧漢長沔護青林地僻人家少泥融虎跡

深關河南北夢風雨短長吟覽鏡憐遲莫鬢鬢雪  
一簪

徑竹霏香細籬花鬪色多捲簾黃犢雨把釣白鷗  
波清士攜琴訪諸生載酒過有時香一篆高枕到  
南柯

南邨後雜賦十首  
路直華亭谷林藏處士家葵菘浮雨甲秔秫吐晴  
葩罽羽肥堪縛谿鱗巨易义客來畱共酌濁酒不  
須賒

甲第多荒址茅茨獨老翁杖藜山遠近舟楫泖西  
東暮色蒹葭外秋聲絡緯中郊居端不惡此趣許  
誰同

槿樹成籬落松脂化茯苓閒開籠鶴柵時過狎鷗  
亭汗簡修書史持杯閱酒經塵纓終不縛何愧草  
堂靈  
谷口蘭宜佩庭前草不孳畚田栽薯蕷縛架引葡  
萄杜甫十分瘦元龍一世豪賣書買農具作業豈  
辭勞



道陘循墟曲橋低與岸平風前松子落雨後竹姑  
生向此得閒趣自來無宦情烏巾方竹杖林下  
田更爾宜爾汝前草不謝春田楚澤詩無樂快  
江海謀生拙園田引興長徑分黃菊本池種白魚  
秧瘞筆營山竈橫琴布石牀俗氛飛不到一曲水  
雲鄉公韻少芥老問開龍詩無樂快  
草徑牛羊熟雲林鳥雀馴九峰三可攬一室四無  
隣世治方爲樂身安豈厭貧涼風北窗下未讓葛  
天民詩出菜花圖餘林葉山豈出舟湖西

農事年年在家常頓頓謀拾樵驅赤脚春粟課蒼  
頭屋破何曾補人生本自浮賦歸歸未得長夜夢  
台州

雨社來巢燕晴衙散密蜂蝨書魚繭實透墨麝香  
濃幽夢回高枕新詩入短筇一經今白首自怪此  
生慵

僻壤居偏樂幽懷老自添鍊丹溫候火丸藥捲風  
簾雨過魚蝦美春來筍蕨甜長年無一事治世等  
黃炎天詩海華天賦泉只爾書詩華典人言

元日試筆次張泉民讀書莊雜興八首

素履安吾分深居去俗嫌襟懷高莫擬材力老逾  
添翰古兼行楷經明法謹嚴鶴書還赴隴光耀起  
幽潛

自將茨覆屋遠勝樹爲巢徑曲落花匝谿回浪影  
交柳陰維釣艇竹裏構行庖我欲頻相訪談詞愧  
草茅

道在寧謀食時清不慮貧弟兄三俊彥天地一閒  
人攬鏡菱花曉開尊竹葉春文成五色錦采采濯

芳津

松樹曾巢鶴溪流可浣花步鳴蒼玉佩閒鍊紫金  
沙揮塵懷王衍橫琴仰瓠巴有時因客到沽酒向

西家

生平甘淡泊質稟甚清通經史沉潛裏溪山笑傲  
中夢游天祿閣詩寄藥珠宮自是神仙骨塵凡迥  
不同

嬾騎金匱匣喜弄玉參差宇宙清寧日山林老耄  
時處中知守節履正在觀頤白髮磻溪釣飛騰未

可期  
鄉里陳留遠才名三十餘文章宗太史詩法媿黃  
初避地僑淞水誅茅結草廬功名諸弟貴問候列  
華裾  
構室延虛白臨書擣硬黃但祈年大有安問世炎  
涼苜蓿堪羞饌芙蓉可集裳壽齡過八十無夢到  
鷓行

次姚憲僉原禮韻簡明上人古鏡六首  
雲棲常自寂夔屈豈求伸翠竹真如理青山妙色

身滌除三毒火清淨六根塵出定寒宵永明蟾挂  
碧旻

接流晴灌菊陟巘晝捫蘿地僻經行少心閒興趣  
多瘦筇縣樹底壞衲曬岩阿清盥無餘事因箋證  
道歌

九山多勝槩此地一叢林石路循清澗茅堂枕碧  
岑野狐來聽法游衲問安心虎樹高千尺師寧不  
嗣音

林日遲遲靜溪雲泚泚輕雜花間自落幽草細無

名慨我朱顏老傷情白髮明何繇前垢累問道立  
前榮

清寂山中景消搖物外身好茶畱客煮香茗課童  
初欲識空爲了還知嬾是真釋門真老宿佛法在

彌綸

乾坤容隱逸寒暑互遷推獻果猿殊熟銜花鹿不  
疑食餘隨洗鉢梵放輟談詩送客長松下東頭月

上時

曹雪林夜宿草堂有詩因次韻

杖屨來相訪柴門倒屣迎好春尊蠟綠清夜燭花  
明每苦連旬別相踰半日程如今宜盡醉足以慰  
平生

對雨

立春將一月積雨已兼旬潦水邛邛白愁雲旦旦  
新世方期樂歲天豈厭斯民便好驅陰沴陽和被

廣輪

元宵

總說春來好春來尚寂寥江山緘媚景風雨過元

宵室白燈光燦鑪紅火力饒杯盤兒女進嬾赴北  
隣招

游查山

山上有查仙鍊丹井  
東眺黃耳冢西秦山

四面黃茅合南頭粉堞高丹泉生石甃山趾帶平  
橋犬寄華亭信蛇吞戰國豪登臨增感慨落日在  
林臯

役役

第妹分離久家鄉信息遲賣書人稠直穫稻雨愆  
期髮向愁中白顏從病後衰終年常役役何日是

歸時

次郁鈍之韻

多病誰分藥窮愁只著書青郊春雨稼綠樹野人  
居天地身將老朋游日漸疎寄來詩句好功業復  
何如

夢游華頂峰題詩于壁

松徑曉停驂朋游只兩三鳥啼烟作障僧坐石爲  
龕訪古人何在探幽我尚堪杏花風日美春色滿  
江南

詠佳人效香奩

衣皺霞千疊鞵彎玉兩弓色酣眉黛綠香膩口脂  
紅密約心還怯多情意未通黃昏頭嬾卸繡被象  
牀空

著擁執徐之歲三月望後一日率僮僕抵鍾

賈山采薪供爨至四月朔歸每日陰雨

繫船溪水頭山中成久畱半月總值雨一身都是  
愁哺雛敗簷雀逐婦深樹鳩薪采輟夫役摘蔬薦  
晨羞

寄夏原舟時從軍瀋陽

分離忽兩春役役幾艱辛兵籍何時落鄉書此日  
真乾坤同是客風雨正愁人望斷渾河遠蕭蕭白  
髮新

寄題性源上人清影軒

勝地咎曾行雲扉夜不扃長林籠碧瓦明月照朱  
櫺世北龍門寺經繡貝葉青開秋敷石榻遲我一  
揚舲

丙子元日

朔紀庚申始風從甲艮來陰霾低不散天意邈難  
猜香縷縈銀燭椒花浸玉醅賓朋交致賀獨我老  
衰頹  
中秋不見月  
延桂敞南樓更傳第幾籌玉城衝雨立銀漢拔雲  
流曲度霜娥怨談停老子愁相看須隔歲虛過此

中秋

十六夜翫月次韻

中秋風雨隔二八正圓時天上清虛府人間太液

池飛騰蟾皎潔翫賞客權奇偏照南村老蕭蕭兩  
鬢絲

中秋夜陰

自小看明月看來已白頭年年栖逆旅艸艸過中  
秋銀漢金波斂冰奩玉鑑收淒然向今夕嘯咏想  
南樓

十六夜獨酌

今夕非凡夕瑤樓影尚彌纔經一日隔未覺半分  
虧再索新篘酒還賡昨賦詩舉杯邀對酌真足暢

幽期

十七夜傷感

四十二年前今宵最可憐明蟾徒自好愛子竟長

捐父母情懷苦乾坤造化偏老來頭雪白不斷夢

縈牽

過蕭塘市來日白頭平手出遊

不到蕭塘市流光十五暮岸傾街瓷裂寺廢梵幢

歛第宅畱荒趾垣墉易敗籬相知無一在遺跡動

傷悲

閱畊

上國會辭聘南邨且閱畊心安閒自適肌瘦老逾

清趣向琴中得詩從枕上成平生隨造物多幸見

升平

龍鍾

吳楚躬親歷關河事熟諳客居淞水上鄉夢越山

南豹變知無及龍鍾愧不堪有時扶短策去就老

農談

濯足



濯足咏滄浪南邨住草堂風簷縣襪穢煙艇帶笭  
簞總羨畊漁好渾忘歲月長建文開泰運 聖德

媿軒黃

笭笞元結自釋音郎當蓋竹籠也

歸途徐邨阻風

徐家邨曠靜柳下泊舟航故國南游遠東風晚更  
狂歸心如箭急流水似人忙明日宜興縣長橋醉  
一觴

簡顧秀才

地偏春自勝市遠客尤稀艸閣開清晝谿航載落

暉雜花晴款款輕燕晚飛飛問訊東隣老還容覓  
釣磯

西湖紀興

浩浩春波闊冥冥夜雨縣笙歌傳別館燈火隔疎  
煙作客頻遷次傷時更可憐明朝晴未卜還是醉  
湖船

五里塘

破屋三家市扁舟五里塘亂波浮落照飢雀聚枯  
桑氛稜乾坤戚兵戈道路長漂流無倚著何日定

南地言集  
十二  
歸鄉

南邨對雨

雨氣連邨白溪流觸岸渾餘寒欺鳥雀清潤溼琴  
尊修竹明如洗長楊翠作屯艸堂初睡起曳履掩  
柴門

和鄭南榮韻

煮茶燒落葉掃徑動閒雲水涸溪痕見林疎岫色  
分齋居長自掩麋鹿動成群短屐相過數惟應鄭  
廣文

癸亥元日

通夕零寒雨開晨吼朔風人惟憂樂異節自古今  
同故國丹丘外浮生白髮中力田憂水旱端策問  
凶豐

元夕

珂里傳柑日金吾放仗時樓臺燈火淡風雨管絃  
悲術眩明皇幸儀尊太乙祠千年成古蹟兀坐漫  
齋容

過顧城湖

昨行三塔崦今過顧城河帆正風猶順程遙日漸  
晡礙船防斷渚收港認浮圖同往皆良友羈情喜  
不孤

已卯中秋

移榻近前榮良時引興清雨從晡後散月向夜深  
明靈兔曾無恙孀娥若有情舉杯邀對酌隔歲好  
尋盟

中秋

今夕知何夕南軒景趣幽露溥蟾影耀風靜桂氛

浮移榻催鋪席塞簾快上鈎年年催老去又見一  
中秋

辛巳中秋

海寓樂昇平中秋景象清祗緣人意好轉覺月華  
明今歲僉愚戇比隣異死生聽來惟是哭孰更不  
傷情

兵部遣使至府府命兩縣僉點身長力壯  
民丁應克謂之曰愚戇不下五千餘人

九月朔日庭前白菊開花

尋常重九日難得菊花開今歲因添閨孤芳亦借  
魁翠裘雲掩冉鶴羽雪培稔三嗅秋香立吟哦待

酒來

丙寅中秋

雲開天宇潔玉露滴琪林靜對中秋月偏傷故國  
心半生常作客此夕一霑襟弟妹書難得窮愁老  
轉深

十二月望後一日輸粟金山衛

渤海金山小坡陀艸路危城池連斥鹵部伍雜華  
夷比屋屠牛肆高竿賣酒旗一旬愁裏過雨雪滯  
歸期

十月十一日夜夢中賦詩一首既覺忘前四

句枕上足成之

柳風輕娜娜竹雨淨娟娟有只書千帙無多屋數  
椽邨深居自好心遠老相便載酒谿翁羨桃源小

洞天

十月廿六日喜雪分韻得同字

今年方見雪懽喜萬人同觥巨醅浮綠窗明燭耀  
紅煎茶移石鼎理權命谿童黃竹何須賦休祥兆  
歲豐

庚辰元日

授曆紀庚辰開元值丙寅五更微見雪兩日便迎春頭戴銀旛巧門題彩帖新屠蘇循故事殿飲老年人十月廿六日

九月四日遣愁

塵鎖斷絃琴悠悠歲月深遺言仍在耳惡日倍傷心路隔重泉宵墳封宰木陰臨風耿無語老淚一

霑襟惡去聲忌日也

哭王黃鶴乙丑九月初十日卒于秋官獄

人物三珠樹才華五鳳樓世稱唐北苑我謂漢南州大夢麒麟化驚魂狴犴愁平生衰老淚端為故人流

乙丑十月廿八日得鄉人林序班公輔寄聲

報舍弟夢臣沒於道未知月日地所二首

白下相逢日于今十二年江湖俱老矣風雨獨凄然哀訃從人得殘軀為國捐生兒多不育身後竟

誰傳

弟兄惟我在骨肉永睽離王事勤勞日關河夢斷

時水深風浪惡夜靜鼓笳悲號慟嗟何及傷心老  
益衰

哭馬平主簿夏原威

丁卯臘月十三日死

詩書承善慶簪組沐恩榮賦命分修短詳刑服重  
輕平生師友義終古別離情盡掬寒淞水難渝淚  
眼清

挽陸北岩教諭

辛巳十月廿九日卒

北岩今已矣命也復何仇形影長相弔文章不自  
謀夢殘蕭寺夕魂返故山秋多少傷心事哀猿哭

未休

挽趙雲居先生二首

辛巳九月十八日卒

故國王孫後先生德望隆相將年九十出處浙西  
東學本趨庭教醫存濟世功俄然棄榮養哀慟起  
秋風

吳淞今芙蓉台婺遠相連去國二千里論心四十  
年故人將盡矣老淚重潸然修得遺賢傳儲輸太

史編

送何伯溫還鳳陽

百七言集 十七  
索居濠水曲歲月其悠悠會面忽今日憐君已白  
頭關山來去路風雨別離愁谿上船催發寒潮沒  
遠洲人跡盡空沙水寒重樹然多鳥畏賢輒謝鋪太  
開鑪日有感是日始見霜二十里命公四十  
陽月日云初新霜萬瓦鋪具羞僕墓祀熾炭煖寒  
爐望望鄉關遠栖栖旅思孤形骸看漸老節序不  
停徂

挽張雲莊宗禮三首

客邸病縈紆驚憂鬱未舒紫杪函蛻骨白下返靈

輿故里千年別浮生一夢如莫雲莊上些山雨竹  
樓虛

嫁殃遭太守簿錄降將軍短景鐙餘燄繁華水上  
雲賢愚誰復辯玉石竟俱焚次第修言行他時表  
墓文

嗚呼吾友沒相望去程遙遺恨孤慈侍清魂入大  
招諸兒銅鼓衛一穴鳳山椒淚灑西風裏交情永  
寂寥

洪武癸酉正旦雨明日雨中夜雷電又明日

雨四日陰曠嚴寒西北風大作口號  
 迎春半月先寂歷過新年鷄狗羊猪忌風雷電雨  
 全玄冥雖代謝陽德未昭宣有待陰霾散乾坤始  
 泰然

嘉元九日雨

三年元日雨今雨欲經旬洋海開塗者金山餽粟  
 人體寒衣綻裂腹餒食艱辛上帝垂慈憫晴暄振  
 困貧

庚午二月六日雪

春半三番雪田更誦里謠一年防暴水九月定盲  
 飈色妒梅枝瑩花黏蝶翅消暫時成凜冽玉燭自

能調 田家五行云二百五日主有風潮

庚午七月三日大風雨視丁卯歲為尤甚獨

淞江若此他郡無有也

雨從朝起驟風到夜深狂仆屋搖坤軸漫江徧海  
 鄉喜無秋早曠未卜歲豐荒較彼前三載而今勢  
 益強

六月廿九日喜雨



六月三旬旱炎威酷吏猶廿年無此熱一雨近初  
秋田畝塵隨伏禾苗病向瘳豐登還可望生計尚  
堪謀無殊旱期未卜熟豈能如前三歲而今變  
二月朔夜中雷始發聲三日寒載嚴雪大作  
前夜起雷聲寒威刃發劓積陰春黯慘密雪晝飄  
零香褪梅腮白愁緘柳眼青擁壚頻熾火不似肉  
爲屏

七月三十日雨

半月值秋晴涼生枕簟清嘉禾方孕秀甘雨又滋

榮造物功難報斯民樂有生輸租庚責了倉庾定  
克盈

洪武丁卯臘月癸亥雪

六花凝瑞白已見臘前三寒色清逾烈羈懷老不  
堪窮陰連漠朔豐稔在江南驢子谿橋客煎茶恐  
未諳昔年同苦盡應知五福酬難貴又請喜良鄉

臘月初二夜雪

吼樹朔風雄寒欺繡被重地浮銀渤澥山吐玉芙  
蓉瑞象標初臘歡懷慰老農歲登端可卜百穀徧

提封

十二月十三夜雪重此後始融山出玉英

滕六夜停驂乾坤玉氣涵樹膚寒擁腫松髮白鬢

鬚驢背吟何苦爐頭飲正酣隔牆農父語喜見臘

前三

正月十二日雪前三寒會青金

立春纔二日撩亂雪花飛陰晦雲同色嚴凝曉肆

威擁爐頻熾火對酒趣添衣德澤終當布斯民莫

歎歛

至日聽雨

至日聽寒雨今宵憶向曾漏催銅史箭花炮水奴

鐙愁壘堅難破騷壇峻可登苦吟無好語白髮已

鬢鬢

甲子又晴

田家春甲子分外要清明水旱因從卜休凶亦可

旌明年期大稔今日喜長晴為報西疇老知時好

力畊

元宵雨

三五元宵節連年氣候同漫天來暮雨吼地起南  
風燈火樓臺寂笙歌巷陌空金吾徒弛禁清坐愜  
深衷平隄大發今日喜靈都魚游西舞涉賦部我  
連日積雪釀寒曉起見雪臘月十一日也  
四野話豐年三番見臘前意從多日厚色瑩六葩  
妍谿艇因思汎鑑茶趁埽煎老翁無此興擁火醉  
陶然

九月廿七日

九月三旬裏渾無幾日晴軒墀簷雀浴農室竈蛙

鳴點滴疑天漏汪洋覺地平烟蓑樵水稻此去若  
爲生

和董良史憲僉西郊艸堂雜興八首

杏花春雨映谿堂不異當年碎錦坊重碧破除千  
萬事硬黃臨寫十三行粉榆夾道陰連疾魚鳥親  
人水滿塘覓句有時成久立艸茵藉坐槿籬傍  
西郊闢地構名堂絕勝南邨小柳莊得意四時從  
嘯咏讀書萬卷係行藏雕胡米滑甘於粟蒿苳苗  
肥綠似秧野飯菜羹皆適口一真滋味靜中長

清谿脈脈抱虛堂新竹娟娟過短牆問柳尋花春  
事晚投壺散帙午陰涼時將芳糗克魚餌歲會香  
杭備鶴糧如此閒情真自適可無幽夢入鸚行  
老來歲月去堂堂夙佩人君恩不敢忘炎漢辭官  
容廣受 聖朝立極過軒唐秫田春雨租牛種茗  
盃涼風對鶴嘗清興有時吟不了天邊羅立九山  
蒼

日長雙燕語深堂樹木參天枕簟涼龍德光明今  
宇宙犬牙相制古封疆人厖俗厚宜栖止歲泰時  
康匪禴禡我亦有家歸未得浙江東去路微茫  
吟成池草坐西堂胸次悠然隘八荒靜悟游魚投  
餌急閑看飛燕葺巢忙采山釣水唐人愿長子生  
孫漢吏倉高尚循良同一致要令身世保平康  
蕭蕭落木護秋堂白版爲扉掩夕陽塵垢不沾頻  
灑埽稻粱已熟漸收藏攝生未用芝和朮具饕能  
無芥與薑一榻清風渺千古看他奔走爲人忙  
執經弟子早升堂客至何妨臥下牀家世澤流遺  
牒在御爐煙染賜衣香錦囊縹帙新增集玉軸牙

南華詩集 卷十三  
籟舊補亾鄰舍相邀長是醉此身終老白雲鄉  
次韻寧熙中上人如蘇紀游十首  
東南風急布帆輕長泝西來第一程此日忽逢春  
莫雨何人不望客中晴烟巒朵朵鬟凝碧石溜濺  
濺玉奏聲且向華山谿口泊推篷滌研寫幽情

喜晴

澹霧冥濛日晏升攬衣遙見闔閭城十分天氣依  
然好一色波光遠近明紫燕將雛花上語錦鳩呼

婦樹頭鳴道傍農父交相慶菜麥青青喜快晴

山行偶興

鬼護神呵兩怪松晚晴長阪綠陰濃泉聲噴壑谿  
東走嵐氣涵空日下春毫楮出奩題好句杖藜到  
處發奇蹤近來蠟得登山屐擬約重游意未慵

遊天池

雨餘弭櫂釣磯頭一錫翩翩縱遠眸翠壁石蹲形  
似虎龍淵雲墮氣如牛人間幻出三千界天上移  
來十二樓更陟曾顛窮睇盼只疑咫尺是瀛洲

遊靈岩

靈岩拔起拱諸峰林壑深幽與昔同誰念夫差罷  
敝後莫逃范蠡計謀中彈琴石老落花紫響屨廊  
空夕照紅里叟不諳亾國恨至今猶說館娃宮

遊天平

樹木沈沈翠作堆瘦筇緩步首頻回天平山水真  
佳矣文正祠堂亦壯哉碧落高寒超下界白雲清  
煖隔浮埃長懷往事成悽斷爲讀殘碑剔蘚苔

遊南峰寺

昔遊曾記與諸賢藉艸高談雪滿顛白鶴青驄開  
士逝丹厓碧岫野花然虎丘東去無多地龍脈西  
通第二泉長欲攜書此中住自隨春雨種山田

沈一菴山居

懶性生憎世累縈功名從此不相能堂成自可同  
蘭若客至何方話葛藤儀宇如如瑤圃月心懷炯  
炯玉壺冰扁舟早晚相尋去湖上群峰取次登

宿觀音寺

錫杖尋幽四月交山中地位總清高一庭蘿月縣

金鑑萬壑松風響翠濤雲臥已知隨處好浪游無  
愧此生豪上方夢覺清如洗况是鶴鳴從九臯

尋僧不遇

肩輿伊軋度嶽岑義重宗乘故遠尋澗雨收時花  
作陣岩扉掩處筍成林蒲龕香歇閒清晝石鼎煙  
銷鎖綠陰那得相逢話疇昔嗟哉時序百年心

張建寧賦詩見寄次韻四首

移家住近府城東簾捲垂楊燕子風幽夢時驚棊  
局外好懷日付酒杯中喜於靜室觀虛白倦向通

途踏軟紅老我無能甘寂寞谿山還欲與君同

十年仕宦厭馳驅隨例歸休始定居門巷每來君

子履杖藜閒過野人廬錦心繡口三都賦玉軸牙

籤萬卷書別有高情真自適或時孤櫂或巾車

文采風流果謫仙乾坤汗漫興飄然銀章朱紱承

殊渥檜楫蘭舟濟巨川兄弟喜看三辭在古今誰

似二疏賢朋游散落曾無幾童稚情親到暮年

赤霄丹鳳邈難儔鷗鷺爲朋只浪游田里清淳依

谷水關河迢遞隔台州西風采采黃花晚落日離

離碧樹秋白髮催人傷老大少年聲價落青樓

次韻荅張林泉五首

憶昔交游各少年君年八十愈昂然幅巾短杖林  
和靖斗酒長篇李謫仙修竹簷前香細細落花風  
外影蹉蹉有時飯罷無餘事展席科頭自在眠  
繪像耆英古有堂先生鬢髮已蒼浪寫書簡竹枯  
鮮碧臨帖牋藤擣硬黃潮汐去來谿一曲垣墉周  
匝樹千章執經弟子皆循飭道統真傳遡紫陽  
倦草淮南大小山此身長與白雲閒南隣北舍相

歡洽西陌東阡自往還筆勢縱橫驚雨驟文詞奇  
古發天慳幾時共剪西窗燭尊酒高談一破顏

百年孤抱歲寒心不覺頭顱雪滿簪梧陌鼎煙時  
淪茗石牀衣露夜橫琴水雲深處成真賞風月良  
辰動苦吟欲訪郊居曾有約桃花浪煖一篙深  
枕流漱石豁煩襟日月容光實照臨御筆曾題田  
氏宅王門莫聽戴逵琴明經教子傳家學買宅租  
田罄橐金壽格期頤能有幾垂垂白髮送光陰

次韻荅陳祠部景祺三首



傳家謹護一瓊青  
膝下兒孫歲歲增  
松頂雲開晴放鶴  
谿頭潮落晚移罍  
堂臨綠野從行樂  
路直青霄定立登  
幾欲拏舟尋舊約  
望窮煙樹碧瀾層  
碧海雙金遠送青  
對之詩思晚逾增  
庭前洗竹間畱鋪  
池上叉魚不用罾  
錦里角巾唐杜甫  
蘇門長嘯晉孫登  
羨渠伯仲幽栖處  
又隔風塵幾百層

有大金小  
金二山

錦樹離離海氣青  
歲年大稔粟加增  
僕夫緯篠修魚箔  
童子紉絲結蟹罾  
北舍南隣相往復  
東臯西

曠自臨登香浮缸  
面新醅熟膾切鱸  
肥玉作層

新春風雨次陸北岩韻三首

博山沉水裊輕煙  
歲旦常儀總粲然  
笠屐賓朋來雨外  
盤觴兒女列堂前  
梅驚朔次朝猶落  
柳怯春寒晝未眠  
盥手正襟端策問  
今年還可種圭田  
江南風雨見何曾  
十日都無一日晴  
曉起暫看新歲曆  
老來偏動故鄉情  
良辰美景須花柳  
妙舞清歌待燕鶯  
喜有山林容我輩  
共將詩酒樂文明  
鳥車載鬼過遙天  
白雨淋浪雜翠煙  
喜咏久無工

南屯詩集 二十八  
部老禱祈未用玉堂仙世情簡淡非今日春色凄  
迷似去年風景不殊鄉邑遠夢歸夜夜浙江船

次韻荅山泉上人曦

綠谿野徑僻通邨百尺梧桐翠長孫海色曙凝生  
白室香雲晴護牧間園額麗郡乘招提古名重鄉  
評行業尊近掣藏函翻般若何當聯席與精論

海曙

軒香雲室牧間  
園皆上人扁名

次陸北岩韻二首

廬外圭田二畝強鄉隣傭力爲移秧百年岡壟衣

冠闕一徑楸梧雨露涼天地無情身老大山林有  
分髮蒼浪急流勇退人爭羨喜見春風日再暘  
畎畝高低絡翠徑樹林茂密列雲屏水邨沙路迢  
迢白茅屋炊烟處處青谷口樵歌西日暝岩頭虎  
嘯晚風腥先生歸也山居靜童子篝燈月半扃  
嚴寒次栗隱德上人韻二首

雪留十日未都消画閣娛情遣寂寥茶敵睡魔浮  
玉乳酒烘吟臉暈紅潮雕盤異饌明妝捧寶鼎沉  
香烈火燒應有窮途飢凍者一般風景不同條

匡牀燕坐坎離交  
冰綴霜髭口欲膠  
煖老正宜絲  
作毯逸居那敢樹  
爲巢飢禽戰羽時  
僵仆猛虎摩  
牙夜噉哮造物屈  
伸端有數醉歌自  
把唾壺敲

登干山次林泉徵士韻二首

水作巴蛇走澱湖  
山蟠天馬載浮圖  
重重桑柘平原近  
閃閃烏鴉落照晡  
林廟幡鐙祠岱岳  
江城雉堞帶東吳  
婦心自是愁如織  
只怕游人唱鷓鴣

一名天馬山下有平原邨

欲學當年乞鑑湖  
鵬程九萬阻南圖  
望窮海上天

無際倚徧闌干日未晡  
一代衣冠成二老  
百年藜杖寄三吳  
南邨亦有林泉趣  
春雨聲聲聽鶉鴣

周萬竹知紹興府日其家梅花盛開西賓張林泉作詩寄之及簡越上諸友因次韻二

首

南枝向煖競先開  
何處人間有玉臺  
冰艷雪臞渾好在  
月香水影入詩來  
逋翁湖上清魂返  
仙子羅浮小仗回  
寄遠慎毋多折却  
使君調鼎待鹽梅  
麀經家學係青氈  
文采風流秬且賢  
池艸西堂生

夢裏官梅東閣到吟邊會稽望去無多路朋舊別  
來今幾年見說蘭亭只如昔勝游須在算春天

次胡安州韻

宦成歸老有餘暉吟苦從教帶減圍卜構北山欣  
地僻閱畊南畝慮年饑雲霄孤鶴盤旋過野水閒  
鷗自在飛炎暑困人多病暍寄言莫怪往來稀

萬山遺叟以所作中秋重九二詩見示諸公

和之已多勉強效顰二首

高碾長空玉一輪娟娟零露洗浮塵良宵又值中

秋節老我堪憐百歲身對酒漫忘誰是主賦詩那  
有語驚人據牀談咏還多興沈浸清光景思新  
重陽佳節無風雨倦客他鄉憶水丘采采黃花人  
送酒迢迢碧漢鴈橫秋喜無敗興催租者自有循  
谿蕩采舟底用登高方是樂嘉賓三兩醉還休

雙魚五月菊

老圃乘涼起歎嗟孤標底事便開花石榴明處朝  
同采紅藕香中酒漫賒画舫沅湘懷屈子薰風庭  
館屬陶家也知不爲趨炎出莫忘清秋興緒嘉

次夏西疇韻

亂餘及見太平年 聖主龍飛地幅員  
父子戍邊 歸未得公侯下士禮  
彌虔中天孤月應同照 尺素  
雙魚孰爲傳 昨夜釭花頻送喜  
好風吹墮白雲篇  
題德如海上人聽松軒

定起忽聞風雨生 危枝只恐鶴巢傾  
蒼虬鼓鬣噓 天籟翠浪掀空送  
海聲一派笙簧秋浙瀝 千官環  
珮玉琮琤我家亦有閒庭院  
不及山窗分外清

寄題陳孟文叢碧軒

一室蕭閒竹裏安 綠波洗出萬琅玕  
雲深競舞青鸞瘦 簷曲長霏翠雨寒  
三徑清風人楚楚 五車汗簡墨珊珊  
何當直造談玄處 展席涼陰搗月團

小游仙詞雪後一日甲子作

瑤池謫降小真仙 只在人間二八年  
長日沈沈緘 祕緒浮生草草厭  
塵緣一函遺蛻寒 璫隕五夜清  
魂顥氣縣鸞鶴啟途幢 節擁碧霄如洗月  
嬋娟

借韻荅清谿邵先生

西泖移家住北邨 謝庭蘭玉見玄孫  
門前料理桑

麻圃雨後栽培杞菊園象齒篆僉書列皮松花釀  
蜜酒盈尊平生不飲惟留客翰墨詞章熟考論

借韻荅宗高王架閣

蕭然一室數家邨籍甚三槐幾葉孫詩句驚人師  
杜甫妍詞落簡客梁園承恩出牧年方妙謝事歸  
休道益尊不覺數年成闊別老懷耿耿與誰論

借韻荅牧菴上人謙暨無心野人

南邨差似浣花邨慚愧山中宰相孫獨抱遺經畊  
壟畝病辭束幣老丘園此生空忝諸公後舉世何

如見佛尊翠竹黃花真妙理清風明月不須論

七夕次萬山韻

瓜果中庭漏點深露花零亂滿琪林曝書偶忘今  
朝是乞巧欣逢七夕臨雲馭瑤池靈剌剌星梁銀  
漢影沈沈人間天上同欣樂只有悲蛩語不禁

登超果寺一覽樓次林泉民韻

層樓明敞奠松關萬里蒼茫指顧間地絡泖茸羅  
梵塔天低溟渤獻神仙寶陀像設金千鎰瑞井光  
涵玉一環倚徧闌干吟未了伽陵風細韻緜蠻

宋治

平初錢武肅王所奉觀世音像至淞江禮塔匯光  
屬于超果寺之金鰻井絲是迎像至焉井今名曰  
瑞光

次韻荅邵青谿先生

藜杖烏紗過百年童顏鶴髮氣泠然窩尊安樂元  
通譜壺隱虛閒別有天課稼春行黃犢外尋盟時  
到白鷗前青谿一曲春如許二頃何須負郭田

雪次陸靜菴韻

剪剪寒風勢轉嚴六花撲軟綴高檐蠟醉銀瓮人  
微醉獸炭金爐妾慣添大地一方調玉燭遙山九

點詫形鹽明朝擬向西園賞四敞罌罍卷毳簾

胡萬山脚氣陸北岩遺詩問訊因次其韻

見說新秋仍病痺南州土溼暑熏蒸耳邊愁聽三  
江雨胸次清涵萬壑冰臥起東山今謝傳嘯聞半  
嶺簪孫登北岩老子題詩寄愧我才疎闕剡藤

感懷次韻

數椽茅屋稱幽居環堵蕭然日著書隣曲往還忘  
主客林泉映帶樂禽魚一經闡教葺丞相三策成  
名董仲舒自愧無能空白首子孫便好問畊鉏

中秋翫月次胡萬山韻

東頭湧出爛銀盤  
簾卷南榮仔細看  
秋氣平分宵寂寂  
涼輝十倍露溥溥  
阿魏藥臼敲清杵  
素女霓裳跨白鸞  
欲折丹葩向高處  
璫樓玉宇不勝寒

次張林泉韻

潛化芝蘭四十春  
多君文采玉為人  
青燈風雨思還共  
白髮江湖老更親  
東漢獨高嚴瀨客  
西疇自擬葛天民  
滄江今日同畊釣  
竊景前賢託此身

次韻荅胡別駕

避地僑居泖水濱  
相看白髮與時新  
好山登眺無多處  
榮宦歸來有幾人  
鷄黍會多談笑數  
芝蘭氣合性情真  
算年我輩須行樂  
莫遣蹉跎過一春

正月二十有六日余與邵青谿張林泉會胡

萬山夏雪蓑俞山月高彥武張賓暘于余

北踰嶺而南訪陳孟剛席上分韻得船字

桃源只在人間世  
三老相逢莫問年  
清晝喜陪多士集  
紫霄只恐德星躔  
香蒸雲液行璫學  
花簇珍羞釘綺筵

一櫂歸來潮正落  
谿頭好似米家船



題張惟德清逸軒詩卷

結廬自愛南邨好盡日蕭閒遣興長  
一榻松風茶在鼎半簷谿雨酒盈觴  
遙岑爽氣朝來致小徑黃花晚節香  
聞道曾軒清且逸我將過汝共徜徉

過沈汝舟故居次范宏遠韻

不見幽人左太冲鶴歸遼海蕙帷空  
敗垣躑躅春酣日老樹鷓鴣夜嘯風  
怪事書空千載一長干作客幾人同  
可憐滿眼淒涼淚都付詩篇感慨中

次萬山韻

風雨江湖雪滿頭斗南名士總交游  
山林已自無多在我輩真成第一流  
折簡招邀春釀熟策筇來往野情幽  
年年無事長相見底用尋盟到白鷗

南邨詩集卷第二終

陶南邨詩卷之三  
曉起

豆苗引蔓上疏籬  
桐樹吹花落釣磯  
老我田園閒處好  
故人書疏近來稀  
挂巾蘿薜看雲起  
沐髮滄浪待日晞  
只怪平生詩癖在  
形骸消瘦不勝衣

題王筠菴水邨山居二首

垂楊舊種成籬落  
小徑初開近石砭  
夜雨漁舟添箇箇  
晴沙鷗鳥下雙雙  
夢魂不到鳴珂里  
卜築何須濯錦江  
沽酒鱸魚從野老  
高僧招隱壓新腔

南中詩集  
松杉束屋青天小猿鶴當階白晝閒木客揖人騎  
虎下谿童采藥買琴還玉笙聲斷雲連席丹竈光  
沉月滿關我欲排楹與隣並掬泉洗耳聽潺湲

錄宋宮人語

雲護春陰凝薄凍煙銷鑪篆帶餘馨殘花滿院鶯  
聲澀細雨吹簾艸色青丹鳳不來天浩浩玉簫吹  
徹淚冥冥腰肢瘦損真無幾寧使清心混濁涇

對月

客子每看湖上月秋聲漸近竹邊窗流螢綴衣夜

數箇白鶴聽琴時一雙甘旨未能娛綵服旅愁長  
是對寒缸飯牛屠狗誠無媿附鳳攀龍志未降

熟食日有懷

去季今日天台路布襪青鞋捫薜蘿山鳥亂飛疎  
雨至人家閉戶落花多孤燈客髮愁中改千里鄉  
關夢裏過江漢悠悠爲客淚先瑩回首倍滂沱

西湖晚步題湖山堂

短策輕衫徐步穩平堤落日暮光遲郎君馬上敲  
金鐙官妓船頭唱竹枝老鶴不歸和靖墓長林還

護鄂王祠吁嗟人事朝朝異山色湖光似昔時  
長安市上多青樓樓下美人嬌以羞千金買笑復  
何惜萬里作客還自愁勲業未成慙寶鑑英雄何  
限看吳鉤百年世事如雲雨老大徒傷易白頭  
去年九日天台卻市舞青樓西華山  
江城黯慘傷秋算人事艱難感恨長正苦兵戈依  
遠道不堪風雨過重陽髮毛垂領蕭蕭短菊蕊盈  
枝細細香妖氣天光兩冥漠將軍何日定荆襄

獨坐簡趙彥徵

豺狼猛噬據荆徐烽火連雲照玉除世上小兒皆  
習戰江南何地可安居諸侯控制兵機冗濫吏誅  
求國政疎獨坐小窗情思惡秋風嫋嫋正愁予

曉發松江

客裏東風促去程沙棠舟小布帆輕衝人鷗鳥雙  
雙起近水桃花樹樹明故喜吳淞堪寄食不愁江  
漢尚屯兵經綸事業成虛擲一寸葵心向日傾

次邵冠軍客中見寄韻

重關列戟遲行舟  
小雨吹煙凝不流  
時迂檄書傳  
帥命數呼官酒破  
詩愁江城已擊扶  
搖上海宇還  
期汗漫游春樹  
重重雲暮合  
懷人多在驛西樓  
皆夢軒爲陳汝嘉賦  
北窗高臥羲皇上  
不比南柯太守衙  
塵世蕉陰方  
覆鹿山童竹裏自  
敲茶黃梁旅邸空  
仙枕春艸池  
塘卽謝家萬事轉  
頭同一幻怪來筠  
管忽生花

偶成簡錢曲江

字惟善

坐看涼月上谿樓  
桐葉晶熒露氣浮  
戀闕近瞻天

北極懷親遙隔海  
東頭寓形宇內一  
身老濯足滄  
浪萬里流安得神  
飈駕輕轂白雲直  
下卽丹丘

寄贈葉子澂

名以清京口人避兵華亭遂家焉貧而尚節義

平生不受官長罵  
結屋乃在深郊居  
田無二頃每  
種秫日有一錢惟  
買書養親上堂具  
甘旨留客煮  
飯挑嘉蔬憐君行  
義有如此名譽豈  
肯終閭閻

次謝士英韻

郊原十里非凡境  
屋宇無多似灤西  
新竹長來吟  
徑小綠楊缺處画  
橋低茶浮石鼎兒  
新煮詩滿雲

箋手自題乘興看山出林麓短筇一箇影清谿  
春雨初晴沈野亭見訪

九十日春渾有幾相將一半雨兼風艸堂晴旭生  
虛白花徑兒童掃落紅漫喜故人來泗北更期後  
夜宿山中青鞋布襪須吾輩百遍相過意未窮

次夏士良戶侯韻

竹裏茅茨白板扉興來隨意臥牛衣天籠平野前  
山遠水拍危橋過客稀釣罷得魚沽酒去雨餘種  
豆荷鉏婦故人卻在城南住日日清觴四坐飛

秋懷次夏停雲韻

妖氛瀕洞逼京華將畧時無李左車休唱貞元供  
奉曲似聞商女後庭花職方未復江南貢使者空  
乘海上查自古和邊真拙計卻令紅粉泣琵琶

送陳平仲

我居巷南子巷北同是挈家來避兵故園荆榛已  
能理遠道虎豺那可行老懷作惡輒數日寒谿送  
別傷離情未知後會更誰好斫鱸且醉雙銀罌

讀史次謝元素韻

長時讀史白雲西往事評來手自題亮也已亾誰  
相漢單云多智國存齊百川行地終歸海五緯經  
天未聚奎堪嘆洛陽宮外路銅駝荆棘夜烏啼  
樂靜艸堂爲衛叔靜賦  
屋繞芙蓉九疊屏日長客去掩閒庭岩花煖傍疎  
簾落階艸晴分汗簡青溫火試香刪舊譜汲泉煮  
茗續遺經江南定有徵賢詔太史方占處士星

次韻荅楊廉夫先生

移家正在小斜川新買黃牛學種田奏賦不騎沙

苑馬懷歸長夢浙江船窗浮爽氣青山近書染涼  
陰綠樹圓樂歲未教餅有粟全資芋栗應賓筵

夜坐

披衣散髮坐南榮漏點遲遲欲二更風約沼萍雲  
影淡月栖徑竹露華明石牀涼意浮珍簟寶鼎沈  
烟噴玉笙世慮不關心似洗此身只覺在蓬瀛

梅花鳴

谿北谿南十萬枝洞門深鎖幾人知月香水影無  
多語姑射羅浮自一奇千里喜傳春信早孤筇偏

愛夕陽遲殷勤更入坡仙詠共補辛夷別墅詩

守歲次謝高潔韻

明日五更纔是春坐深不覺漏聲頻風塵瀕洞向  
今夕燈火團樂能幾人老去清霜吹鬢髮愁來雙  
淚落衣巾乾坤擾擾皆兵甲何處谿山着此身

機山懷古次趙廷采韻

昭侯功業在人間二俊文章若可攀西洛竟從王  
穎辟秋風不遂季鷹還平原邨迴家山靜華表雲  
深鶴夢閑有客艤舟來弔古空林落葉雨潏潏

長至日林泉偕雪林踰鳳岡訪友聯句次其

韻

鳳皇飛舞結青山九曲雲林第一關輕權每從谿  
口去短蓑長自嶺頭還初陽消息升沈裏二老襟  
懷嘯咏間此地正堪頤算景采芝底用躡商顏

催梅爲雪林作

的皜孤標隔水湄我家庭館見何遲喜迎春信無  
多日莫負東風第一枝湖曲老逋魂定返羅浮仙  
子夢曾期短筇立待黃昏月嗅得寒香便賦詩



代梅苔

向煖南枝趁早開讓渠獨占百花魁與時無競緘  
春在感子相思索笑來吹笛且休明月底煮茶宜  
傍白雲隈老子不比桃和杏直要鬻鬻羯鼓催

謝次景訥菴韻送廷采景采之次用韻商賈

傳家畱得舊青瓊旅食西州五十年老去祇知懷  
故國曉來生怕送歸船九山影落三江口丹杏花  
開二月天最是東風雙語燕畱人飛過酒尊前

先照樓為玉無瑕上人題

若木枝頭耀燭龍寅賓先與最高峰光明徧照三  
千界樓閣宏開第一重舉目心徵香水海至誠膜  
禮紫金容五時說法如親聽向上圓機不露鋒

經云如日初出先照高山

聽雪為孫以貞賦

瑤池阿母教飛璫細搗冰花擁佩旌郭索行沙林  
竹偃吳蠶食葉紙窗明短編清夜誰家讀柔櫓寒  
谿遠處明閉戶先生俄側耳松聲沸起煮茶鐺

八月十五夜玩月次韻

高捲湘簾看明月一年今夜十分嘉露華清灑玉  
豪兔林影還浮金背墓太液池臺當更好廣寒城  
府望非賒據牀老子婆娑在嘯咏歡娛孰有涯寒  
次胡別駕韻寄李儀曹至剛  
皇帝徵除贊禮曹御爐烟染越羅袍太微垂象郎  
星近仙步趨朝地位高夙夜寅清宗秩祀儀文開  
朗列英髦嗟余白髮懷思日孤鶴長鳴在九臬

小園卽事次胡廣文若思韻  
日長童僕理蔬畦官舍如同隱者栖新水方塘魚

在藻落花小雨燕銜泥  
杯盤畱客兒能奉琴冊娛  
心手自攜滿紙文章新  
灑翰人人爭道外孫壘

緋桃次韻同前

凝脂近水騁芳姿劉阮從來見事遲  
血寫妖猩衣

燦爛

用紅衣人

燄融烈火錦昌披

用石曼卿事

壽同西母

還丹日笑倚東風醉酒時絕勝渡江顏色淺英名  
久入彥謙

房詩

渭川壤地栽千畝海上雲林長萬竿晉室一時人

曠達爾家三徑日平安琅玕響激秋聲早翡翠陰  
團雨氣寒裏茗敲門容借看清風吟嘯對檀欒

八人九日次韻

今年九日還爲客朋舊壺觴興趣同雁影江頭清  
淺處龍山天際有無中黃花細吐香堪采白髮高  
歌氣不充醉把茱萸懷弟妹異鄉飄泊已成翁

張林泉九日寄詩次韻荅之

畊田鑿井水南郊嬾性從來謝拔茅艸檄未能行  
虎落濡毫敢望立螭坳菊萸並進重陽節萍水相

親遠道交歲歲茲辰動懷想若爲對飲共山肴

新寒寫懷次韻

世故漫漫混渭涇九山高枕臥雲屏攤書霧拂雙  
眸瑩攬鏡霜欺兩鬢青啼燕淒涼誰復顧吟蛩哀  
怨不堪聽秋風落木茅茨破坐右高縣陋室銘

壬申十二月廿九日林泉抱拙伯仲萬山別

駕同宿三味軒得何字

歲晏高朋忽我過諸生尊俎罄歡歌老來短髮因  
愁改醉後衰顏爲酒酡鐙影未隨雲影淡漏聲不

似雨聲多明朝約共尋梅去展齒泥深可奈何  
曆降靈臺一歲新氣調玉燭萬方春候灰浮動輕  
於雪臘酒傾來白似銀花勝亂簪人鬪巧菜盤新  
簇齒生津尋芳早晚如相約便整肩輿繼後塵

雨窗會飲分韻得雞字

南畝躬畊水一犁夜來風雨正淒迷華筵盛集書  
相拉白絹斜封手自題賓客不分牀上下盃盤盡  
出玉東西太平深野宜歡樂還憶都門曉聽雞

和琴清萬山五日雨窓酌酒賦詩韻

睡餘閒把離騷讀白髮醒然一老身五采誰纏長  
命縷赤符不上小烏巾蘭湯滑凝芳華冽丹臼香  
融藥艸新簾卷琴清軒外雨蒲觴酌客更情親

夏原舟寄詩求謨其先子墓銘次韻荅之

男兒不必嘆流離治世麒麟可繫羈好句自堪橫  
槩賦壯懷莫爲聽琴悲迢迢遠道江南夢念念雙  
親壟上碑此日勒銘當不愧行藏顛末我曾知

贈良介菴上人

開士傳來竺國鐙  
驀然悟道在聞聲  
鯨音寶梵岩  
花落鑪篆蒲團海月生  
靜掃六塵無染着  
要觀一性本圓明  
何時借我袈裟地  
試把宗乘與細評  
雙  
化城寺悟本心上  
人有軒修竹中  
今寺與軒  
幻爲劫灰瓶錫游方自號竹軒  
志不忘也  
此君勁節保平安  
壞衲幽居寄嬾殘  
一榻清風敷  
具坐四窗涼雨卷  
簾看梵餘瑟瑟笙簫  
荅定起沈沈  
翡翠寒長作化城  
安隱想眼前  
隨處碧琅玕  
灵

送潘貢士魯璵

東風拂曙泮林春  
行李觀光上國賓  
歲貢成材雖有格  
且評雅望妙無倫  
帆浮翠縠江波灑  
馬控青絲柳色新  
此去辟雍天只尺  
早持釣軸見經綸

送人才殷惟中

春水綠波春艸碧  
春風一櫂發江城  
到京便入才選薦  
剡連排父老名朋  
舊稱揚多義舉衣冠  
惜別重交情  
此行喜遂平生志  
簪紱榮身感聖明

甲戌元日次韻

守歲鑪邊燭尚明  
家家簫鼓雜鐘聲  
紫霄散彩晨

光發元日開祥淑氣生萬丈赤城懷復眺千絲白  
髮喜還驚老來但博身強健詩酒朋游慰客情

送呂仲徵知縣之官武平

明經擢第下金鑾題賜宮羅墨未乾早歲喜誦尊

主學長才先試牧民官銀章朱紱三千里白舫青

簾五百灘

在汀州

一縣花開琴調古佇聽趣召入朝

端

題顏近仁清風卷

近仁先朝進士能寫竹

高棟曾軒頰澗阿此君挺挺翠駢羅寫真縑素襟

期合相與冰霜節操多鸞牡遄歸周甫誦蓬萊何

處玉川歌門前應用開三徑自有故人時出過

題朱文儀松軒清賞卷

五鬣離離翠作行四簷奕奕住中央籤栽象齒尊

經史帖護芸暉寶晉唐點易研朱朝滴露題詩握

管晝焚香開庭亦有風來處不及君家意味長

贈樂安居士張彥載

治世優游賦考槃葛衣藜杖筍皮冠清谿一曲居

常樂紅日三竿睡正安花外雨窗笏螳醞竹深風

鼎滌龍團到頭渾是清閒福笑引兒孫種合歡  
高風千古仰商顏自喜幽栖近九山短鋪每從層  
巘陟頃筐長帶亂雲還晴霞煖護金莖紫曉露香  
融玉朶殷辟穀延年端藉此飄然行筵列仙班  
賞牡丹次蕭古齋韻  
萬卉千葩推第一天然國色謝鉛華沈香亭對殊  
堪匹金帶圍成未足誇宿露煖風滋絳蠟曲闌輕  
幄障晴霞尊罍燕賞加題品格調清新是作家

次韻送張處善歸楓谿

慨世浮名散若烟喜君浩氣直如弦  
兵戈避地三江曲湖海論交廿載前  
夜雨慢懷揚子宅早潮催發米家船  
楓林渺渺晴雲外此去添予別緒牽

代賦借鶴

香靄瑤壇恭藏事帝真幢節控神飈  
朱陵紫府傳丹檢白鶴青鸞下碧霄  
翅影亂隨旛影颺吭音渾與玉音調  
衆眸瞻睹同稱讚孰與仙禽不可招

中秋對月有感

我室沾煩月照幃今年此夕認清輝芳時一去無  
絲返皓首同歸與願違譙漏聲傳人寂歷胡牀影  
蠹露霏微碧霄如水連銀漢好洗浮生萬事非

又次冰雪翁韻

碧空湛湛露華清萬籟沈沈一鑑明節序俄驚今  
夕是光陰只使老懷驚栝盤小酌雙瓶盡賓主高  
談四坐傾童子煮茶來報說蓮花漏刻已三更

送萬用謙歸豫章

阿兄司臬蒞松城令弟辭家賦遠行吳楚相望縈

別恨填笮迭奏藹親情山頭曉月長亭小江上秋  
風一舸輕楊柳條疎不堪折頻頻勸酒待潮生

題翟景泉空空室

名蒙

都門此日寄高蹤僦屋通衢豈諱窮四壁蕭然無  
長物八窗豁處有清風居安養拙遠廬若絕念忘  
形幻泡同方寸虛靈元不昧漫從釋部話空空

雪中偶成次書莊叟韻

瑤池阿母試鸞刀剪碎馮夷白戰袍琪樹千林清  
可攬玉厓萬丈勢彌高越箋題句披蟬翼建盞行



茶沃兔豪却笑堆成獅子樣街頭便可怖兒曹

和山翁寒夜竹所宴集韻

西湖雪裏喚相宜欲約重游未可期歲月恩恩多

契潤栢盤艸艸足委蛇金荷燒燭光逾粲石鼎聯

詩句益奇老子婆娑嗟莫預買花載酒不為遲

船名

立春次韻

迎春餞臘此辰兼暢飲何愁酒價添春菜青青敷

甲拆枯荻短短綻包尖銀旛闌巧應須賜玉燭調

和不用占晴日煖風春信早千紅萬紫競穠纖

除夜次韻

歲律纔圓已貳程滿家守餞歷深更驅儼隊列粃

盆艷爆竹殼揚玉漏清糗車船窮鬼事栢盤燈

火異鄉情徘徊不覺東方白簫鼓喧闐到處鳴

丙子元日次韻

帝車揭柄夜司寅鳳曆頒季氣象新元日舒長開

正始東風扇煖逗陽春剡桃作版神如在列炬為

城迹已陳笑把屠蘇隨後飲南邨我是老天民

輕寒輕煖夜來晴  
鵲鵲催畊語不停  
清沼滿浮春  
水碧綠陰濃  
帶遠山青無雙美  
醞玻璃盃第一名  
花翡翠屏欲駐芳輪無上策  
恩恩離思短長亭  
西疇膾膾水泠泠  
小結茅茨也自清  
白蠹簡編風  
外讀易健蓑笠  
雨中畊休官彭澤  
惟陶令行義安  
豐有董生九月築塲禾稼熟  
獻羔祭韭樂昇平

次韻自述

飄零江海半生多  
年少疎狂老益磨  
柳拂簷牙兒  
手種落黏屐齒  
客來過雨窗  
吟苦賡詩債  
茗盃香  
清遣睡魔亦欲躬  
耕南畝上飯牛閒  
暇織農蓑

九日次韻

重陽佳節古今同  
老我淒涼思不窮  
兩浙東西淹  
歲月一身南北類  
萍蓬登龍人在銷  
沈外戲馬臺  
荒感慨中醉把茱萸懷  
弟妹不知烏帽落  
西風

漫興平湖爲山陰鏡上人賦

萬頃平湖枕越城  
短蓬如在畫圖行  
波浮霜鑑金

輝瑩山擁冰壺玉氣清翡翠蘭茗酣淨綠天光雲  
影照空明知章一曲應分得用作沙門字與名

次曹雪林見寄韻  
告老歸來鬢已秋山中廬墓境深幽田園已遂陶  
彭澤鄉里爭稱馬少游戲彩庭前思遠道解纓風  
外濯清流新詩題寄渾難和筆力高於五鳳樓

干山訪曹雪林劉深雲周雲陽看菊花雲莊  
有詩次其韻  
干山盤曲帶諸峰與客尋幽向此中谿色秋同天

色淨籬花曉裊露花濃雲林泉石清深處人物衣  
冠太古風酌酒賦詩忘路遠放船歸晚意無窮  
並頭鶴頂紅菊次雲樵韻

翩躚籬下合歡叢駢首昂昂沁淺紅湘浦淚沾仙  
羽若喬家醉嗅晚香同秋宵併作繁華夢春色勻  
光隱逸風自昔栽培無此本丹鉛圖寫待良工

黃白二色菊

一本花敷二樣芳試稽別譜異尋常東籬夜結金  
銀氣彭澤神游坤兌方正色半隨霜露改晚香渾

似蝶蜂忙蠟葩月朶爭輝潔漁隱詩篇久播揚周清

真詞蝶粉蜂黃茗溪  
渙隱有黃白菊詩

次林泉韻簡雲莊

慈親堂上笑開顏  
画舫歸來落照間  
一刻分疏投栢府  
諸郎迎候出林關  
風塵涉世情當適  
鷗鳥忘機息自閒  
開歲元宵無幾日  
入城好約看燈山

丁丑元日分韻得生字

土牛餞臘三元正  
玉燭調和四海清  
老眼細看新歲曆  
白頭偏動故鄉情  
人家競寫宜春帖  
宰相寧

無列火城圖軸高  
縣鍾進士怪精也  
復可憐生

謁貞烈廟元封英義武  
惠正應王

義興縣裏長橋外  
祠宇巍峩枕碧虛  
華袞端居英義像  
穹碑深刻右軍書  
斬蛟射虎傳今昔  
盡孝全忠耀里閭  
一權經過來致謁  
石香爐畔整冠裾

過石臼湖

四圍漲塞中流淺  
一日風帆百里程  
勢敵洞庭天所設  
形侔石臼古來名  
烏犍黑豕千群亂  
碧艸黃沙萬頃平  
幾處空林皆可画  
扣舷吟咏豁高情

三月朔日入都門  
 欣欣灌木衛圓丘  
 滾滾長江控上游  
 虎踞龍蟠真聖主  
 天開地設古神州  
 五雲宮殿參差起  
 萬國梯航遠近柔  
 何幸布衣膺寵命  
 擬隨仙仗覲前旒  
 雞人三唱送殘更  
 禁鼓寥寥日未升  
 白玉構橋聯五仗  
 黃金題榜耀觚稜  
 班傳臚句朝儀肅  
 樂奏簫韶旦氣澄  
 黼坐正中天只尺  
 叩頭丹陛益凌兢  
 無誤到家圖轉高  
 綵雲士對辭也真  
 可謂主筆

頭白衰年一病身  
 輕裝來往倏三旬  
 五城街市經行遍  
 數畝田園入望頻  
 芳艸落花吳苑夕  
 短帆輕槳澱湖春  
 到家菊茂秧田綠  
 老作皇明治世民

過鳳山錦溪橋

錦谿橋下水平谿  
 楊柳條長拂岸齊  
 參政張瑄寶坊  
 歸幻劫右丞徐義先壟可  
 悲悽漁船檜楫雙  
 雙短酒店茅簷處處  
 低市井荒涼風景異  
 老鴉啼過亂雲西

白醉樓為范文鉉賦

目眩金鑼唐高素道遙館冬月初出銘云墮指日折膠夢想曝背金鑼騰空映簷白醉

出初簷闌凜冽氣全蘇心情酣樂非因酌體骨融

和似欲扶西閣吟成唐杜老詩集有西閣曝背篇寒時作息

宋田夫負暄事見列子幕天席地從吾意兀兀陶陶一念

無

送王思廣還常德衛名弘

玉立長身意氣多相逢忽在鳳山阿晉朝人物王

文度漢代將軍馬伏波鍔甲枕戈曾報效錦衣傳

檄謾婆娑東風二月桃源路歸騎翩翩奈爾何

蓮月軒在華亭東林寺為矩菴方上人賦

鑿沼栽蓮半畝強開軒敷席坐端相從來水月真

靈境化出匡廬古道場兔影淡籠銀橐淨水輪清

碾玉簪香要知影色皆為妄本性圓明意味長寺正

殿奉觀音大士

寒碧軒為玉岩璉上人賦

花惟蒼荀樹旃檀地位清高眼界寬雲彩半分冰

鑑碧天光倒浸露壺寒靜凭曲檻前凡趣宴坐曾

軒習止觀本性空明猶湛水未教風外起波瀾

洪武三十一年閏五月初十日亥時大行  
皇帝崩十六日皇太孫卽位十八日大  
赦天下改明年爲建文感而恭賦  
先帝消搖游碧落神孫端拱坐明堂九重統  
握乾坤大萬國恩沾雨露香動植飛潛滋德色都  
俞吁咈慶明良老臣舞抃南邨底笑對兒孫兩鬢  
蒼

閱畊

陳處士  
號也

小築瑤谿水北莊閱畊杖屨日徜徉  
父菑子播知

無逸妻饁夫耘敬有常好雨三時禾毓秀涼風七月稻吹香  
相逢田畷談農事西陌東阡幾夕陽

中秋夜對月

八月平分秋正中飄香桂子落長空十分圓魄年  
年好一道寒光處處同清喚忽來蓬島鶴亂吟不  
斷露莎蟲南邨未釀南樓在治世琴尊屬老翁

乙卯元日

鳳曆新頒紀建文初元正旦上晴暎一人聖德  
敷皇極萬物光輝沐湛恩家世傳來書滿案賓朋

致賀酒盈尊太平如此誠難值只願年年子又孫

題唐涿州橫雲州堂

三泖移居屋幾楹青山一帶與雲橫翠芬落几琴  
聲潤玉氣浮階鶴夢清剖竹專城施政教縣車故  
里養尊榮杖藜莫厭相過數好付兒郎管送迎

城市山林爲孫子華賦

我家住近古城陰隨分生涯豈用心佳菊移栽秋  
粲粲修篁羅植晝森森溝池環匝泉源活門巷幽  
閒徑術深祇爲長年耽野趣旁人都道是山林

送上海知縣司公守道赴召

妙揀憲臣來作宰文星天上照雲間薦賢名奏麒  
麟殿戀關心馳虎豹關駐轂邑門畱犢去借船浦  
口載書還東南賦稅民罷病荅問應知動聖顏

送人才何公遠

朝端奉旨舉賢才使者馳書海上來琴冊緘封榮  
組紱衣冠飲餞列尊壘五城樓閣雲烟繞萬國山  
河錦繡開聖主臨軒求治切奏陳利病莫遲回

題靖州衛陳指揮凌雲堂



指麾訓練渠陽衛奕奕名堂結構全五彩暈飛昭  
武烈八窗洞啟樹機權拋書草檄風生席握槩談  
兵月滿天他日論功須第一凌雲發軔上凌烟

次胡萬山韻荅陳祠部

坐樹疏梅試一吟紛紛霽雪落長林  
麝泉石鼎烹山茗溫火金鳧熱水沈  
幽意漫隨寒日淡故人遙住白雲深  
試看題寄新詩句珠玉篇篇有賞音

題沈宗文竹梧軒

竹梧竝植近軒墀一榻清風日自怡  
玉立娟娟冰

雪操翠融挺挺鳳皇枝昌黎喻勒王孫誌  
工部吟題省署詩琴瑟斲成笙管截  
明廷九奏致雍熙

送俞知縣嘉言之魯山

皇朝進士聲華重 藩邸清曹正列班  
有 除分宰出叩頭請告送親還疏章切  
婉長沙傳組紱行之古魯山百里塗謠  
稱善治傳家定達五雲

間

送友之官

握手河梁酒一卮若爲會合在何時  
前旌剡剡催

行邁疏柳蕭蕭縮別離明月圓虧千里共尺書往  
復半年期願言清慎修吾職早晚高遷侍 玉墀

送李給事中行恕服闋之京師

名敬

給事

先皇內六曹緝熙九法獨稱勞由

音塊

苦聖

室終縑制旌旆蘭舟試錦袍玉筍聯班黃道直宮  
花簇仗紫垣高清朝事業光千古黼黻鋪張屬俊  
髦

五日次萬山韻

奪標競渡快輕狂憶昔游觀力尚強艾顛離離供

巧製榴花朵朵殿群芳辟兵人佩靈符小弔古江  
沈角黍香曉起画梁雙語燕似知節序說興亡

景辰張先生較文福建歸林公崇高画閩溪

放榴圖賦詩其上以餞因次韻就題

一櫂閩溪下瀨船千巖萬壑路勾連榕陰處處浮  
嵐外杜宇聲聲落照邊考試來臨多士上官游向  
在十年前故人分手難為別寫得雲山上蜀牋

松齋爲玉峰秀上人賦

上人遠自海東來爲愛青松到處栽花落石牀閒

不埽聲和天籟定初回折將席上為談柄大明法師事

畱向山中具法材幾欲裹茶林下煮高齋賦咏六

幽哉平前對人今年鑿空探雲山土屋

鍊簫為張以道散人賦來朝多士土宮

冶師百鍊昆吾刃范出錚錚七竅簫把弄豈侔龍

躍琯奏成好列鳳儀韶清風赤壁三千頃明月揚

州廿四橋海上散人攜作伴較渠思致我猶饒

題許彥清松鶴軒詩蘇州味清平鐘與山

奕奕高軒結構成種松養鶴遂間情翠濤翻處鳴

逾遠金粉飛時步覺輕衣溼長防清露滴枝蟠不

怕舊巢傾歲蕤五粒真堪啖相與長年已訂盟

臘月廿七日雪

立春三日雪花稠作陣隨風卒未休屋宇高低銀

蓋覆郊原遠近玉雕鏤將軍好問平吳策高士誰

乘訪戴舟九萬車夫多凍餒定應未到濟寧州十

月松江府起差民丁九萬名赴濟寧陸運糧米九萬石至德州軍前

送教諭沙允恭赴禮部試易經

袖行薦剡謁南宮白鶴長鳴蕙帳空花氣春濃薰

南華真經集 卷三十六  
錦旆柳絲風軟拂青驄世承雨露詩書澤筆補陰  
陽造化功應試歸來須一月離筵勸酒莫怱怱

送夏西疇還寧夏

歸來已是十年過行李蕭蕭兩鬢皤紫塞冰霜還  
部曲清秋風雨去關河潮浮短棹征途遠酒盡離  
觴別恨多從此音書應更少斷腸分手淚滂沱

送道士葉道心游武當

均陽雄鎮武當山金闕宏開縹緲間龍虎風雲環  
紫極龜蛇水火闕玄關杖藜達道秋行役幢節層

壇曉綴班此地消搖酬夙願丹成九轉未知還

送陳子章赴王家灤館所

多士畱連醉別觴琴書一棹水花涼郊原不異東  
西灤主客何分上下牀白髮垂垂勞授業青衿濟  
濟快升堂弦歌聲輟閒情好定有新詩爲我將

送戴叔溫赴京

堂堂廷尉重詳刑幕下賢郎案牘清奔訃宅憂喪  
有制釋衰還吉禮無傾船從三泖湖頭發路向丹  
陽郭裏行此去功名渾好在秋風買酒叙離情

謝靈運送廷采還黃鶴山中三首  
齊謝靈運廷采宋宗室諸孫世家越之姚江從外舅  
堂堂黃鶴翁讀書武林山中其爲人趣操高  
尚進止雍閒博涉書傳外喜吟咏尤善畫  
山水竹石擅一時之美大抵胸中所養不  
凡見諸筆下者自然超絕今年春復游淞  
江得相與往復兩月許忽懷故山猿鶴翩  
然賦歸日抵葭來告別燈下書此以餞兩  
眼昏花殊愧草率

木葉蕭蕭小雨零西風鼓櫂晚潮生江山形勝  
圖寫今古詩篇付品評乘興漫窮登眺樂懷人  
不盡別離情蕙帷黃鶴應無恙此日歸來思益清  
黃鶴山中夙著聲丹青文學有師承前身直是王  
摩詰佳句還宗杜少陵溪上曉來烟似幄江南春  
盡雨如澠扁舟催發輕離別作惡情懷老不勝  
霜落松江水氣清風前一舸白鷗輕十年已是三  
番別兩地都來幾日程鬢髮蕭蕭憐我老栢盤故  
故惜親情開春有約重攜手不在吳山定越城

送邵升遠應聘之京  
 朝廷歲歲徵遺逸奉詔蒐羅在有司  
 深巷窮經端可樂諸侯勸駕不容辭  
 天威只尺黃金闕虎拜三千白玉墀  
 清問從容及民瘼東南黎庶洽雍熙

送張有秩御史制閔如京師  
 五采冲霄見羽儀龍蛇研影快清時  
 報親讀禮三年畢事主揚名四海知  
 獬廌班中曾抗疏鳳皇臺上好題詩  
 滄江画鷁潮催發不盡離愁酒一卮

送錢敬叔歲貢赴禮部

名讓

隴頭不待鶴書招勸駕賓筵禮數饒  
 芹泮泳游才孔雋鵬程騫翥氣彌高  
 九山霽色浮江渚十日春風拂柳條  
 一曲驪駒頻喚酒離愁楚楚政難消

送薛應翔人才之京

沿牒喜從鄉老薦画船搥鼓發江城  
 馬空冀北標雄逸鳳起河東仰聖明  
 萬國朝天黃道直五雲擁日泰階平  
 旌旗研影三千字朱紱銀章被寵榮

送徐思勉應聘書

寒谿鼓櫂赴弓招雪點輕裝錦作袍  
 日侍殿庭沾

聖渥職書綸綰筵清曹鸞回鳳舞金花軸鍊畫  
銀鈎玉兔毫九萬鵬程從此始登瀛視艸步彌高  
丹詔徵賢上玉京艸堂動采樂文明一經夙繼春  
秋學三事難忘仕宦情佶曲聳牙周誥古森嚴開  
朗晉書精八鑿臨幸西清日奏對鋪張屬俊英

送貢士蔣時俊之京

名彥英

聖世崇文治教隆歲徵多士赴南宮賢關上舍高  
升日泮水西齋靜學功夜雨寄懷三徑竹春風得

意五花驄臨岐握手難爲別尊酒何時笑語同

送張宗武

宗武應聘入京余以師生之義偕親友四

五人送至姑蘇別洪武巳巳正月四日晚

解纜明日大雪深二尺許又明日雪霽過

人痛澱山湖賦此以簡同舟之能賦者

小舟衝雪向來曾如此湖山喜快晴萬頃淵渟雲  
浩渺一峰危立玉崢嶸寒生毳褐清尊益色映烏  
紗白髮明只怕闔門明日到春風惱亂別離情

日贈龜小金谷祥即日佳春風漸潤民物

周官太卜寶神龜旦旦梁黃黃絹裹梁澡被之造

竈灼鑽研恭按式謀為杭隍用稽疑一人能了三

人識諸兆還從四兆推獨有谷陽金處士傳家術

業遂於斯謝四月大雪霰三日霜又四日雪霽風

志喜入志至故瀛隄共在日五月四日

洪武庚午五月至六月彌月不雨松江命

方士陸雲澗建法壇仙鶴觀禱焉余所居

長柳上去城北三十餘里地勢高亢河流

涸禾稼悴民惶惶無所措十四日未申之

交雷電以風急雨隨至十八日又雨潮汐

復大作涸者溢悴者榮因以志喜問城中

人雖涓滴無有也

翹首甘霖久不霑火雲赤日勢如倏枯槁聲斷川

流竭穉稭苗枯暑氣炎迅電掣霆誅厲魃蒼龍飲

海挾飛廉四郊滿慰三農意從此豐年可預占

次天淵韻二首

辭親祝髮已真休孰肯將心憶故丘禪榻熏爐從



早夜雲筇雨笠幾春秋朝廷制下催歸籍羅剎江  
橫去買舟公案參餘千七百明年試罷復來游

風采飄飄若貫休相逢猶憶在丹丘多師妙闡三  
乘法老我愁添兩鬢秋蒼荀清芬浮雅製鳳皇空

翠落歸舟到鄞應是無多月又向金陵賦遠游上人

寄單淞之昭慶寺寺有繡經室曰  
蒼荀林鳳皇山在寺之東北隅

邵弘遠用陳祠部韻賦詩見寄和以荅之

故鄉遙隔一谿青眼底湖山興趣增菊本賸栽多  
按譜魚秧新種未容曾舊藏書富縣籤度重慶堂

高衣采登未卜何時能往訪懷人長望泖雲層

青出於藍分外青承傳世學喜加增濟川舟具帆

檣柁漁海人資網罟曾豹管一斑慙淺見天門八

翼會高登老余待盡南邨裏屋上添茅歲歲層

送鄉貢進士錢宗善餘慶誤時緯仲文誤克

東風潛網赴京會試

一從鼓篋見奇才高步蟾宮折桂來聖世設科羅

俊彥春闈較藝奪高魁柳陰繫馬深栢勸江上揚

帆急鼓催此去定知逢慶會奎光昨日燭三台

新水生時一權輕吳淞江上雨初晴會知富貴能  
相逼決取科名在此行龍虎榜高濃淡墨鳳皇臺  
近古今情瑄林宴後還登覽萬國山河共帝京  
東風攬轡過長干楊柳青絲拂綉鞍塲屋競誇攀  
桂手文章深種主司官泥金寫帖緘書寄燒尾開  
筵共客歡玉陛臚傳當第一班催鵷鷺立朝端

和張賓賜西疇汎舟韻二首

平疇積水欲成湖未有良工寫作圖晴日曛曛收  
宿靄暖風和暢拂春蕪綠楊紅杏韶華麗白舫青

簾主客娛老子放懷成痛飲醉循埽路日西晡  
潦水茫茫接澱湖人家如在輞川圖日明練色涵  
青嶂風細鱗紋漾綠蕪打鼓踏車農事冗放船攜  
酒客情娛飲闌同叩鄰姬戶啜茗聽謳直至晡

故社士姚文實輓詩

啟祠抱主鄰炎熄剗股煎麋父病痊一代衣冠今  
社士百年詩酒古神仙高風雅入名人傳孝行宜  
登太史編欲訪清游已陳迹空山短日思凄然

朝廷

賜爵社士年七十三卒  
國子學錄錢彙作傳

哭趙廷采儼

餘姚江上故王孫黃鶴山中講世昏水玉聲華過  
衛樂丹青事業在乾坤半途忍棄妻兒面一念應  
懷父母恩泚筆爲修潛德傳無多老淚只銷魂

悼周通玄鍊師

史君延致禱雩壇電掣霆流起劍端祕訣曾傳蒼  
玉檢長生未服紫金丹月升海嶠猿啼切露溼松

巢鶴夢寒雲屋秋扇風落木似聞環珮尚珊珊

因祈

雨勞神得疾迤邐而亡  
洪武丁卯八月十六日

臘月癸亥立春喜晴三首

一冬淫雨動彌旬今日初晴值立春八表蕩除陰

沴盡萬民瞻睹太陽新土牛綵仗寒猶涸蔬甲雕

盤綠未勻林下老翁增壽紀宮花不上小烏巾

開歲三元尚一旬東城簫鼓已迎春辛盤切出絲

絲細花勝簪來朵朵新柳眼蹙金猶淺嫩梅腮傅

粉已輕勻臘醅缸面浮香螿不負吾家漉酒巾

霖潦相仍幾浹旬和風麗日逗香春龍精戒旦陽

交泰天子崇文曆換新檻外柳高金縷弱庭前

南華詩集 卷十四  
艸短翠茸勻老夫還怕餘寒在煖耳難除白氎巾  
霜寒已巳七夕立秋次胡萬山韻春歸誰歎且思  
頭童齒豁鬢毛衰老大徒添宋玉悲天上雙星應  
有約人間一葉似知時綵樓香滿涼生早銀漢橋  
橫火度遲此日報秋端罕遇呼兒捉筆和新詩絲  
絲露日桂花開次張洪高韻不土少鳥山  
池上曾軒日夜開天垂銀漢洗浮埃岩花初見丹  
英吐節候新交白露來細細古香吹小榻瀼瀼清  
氣落深盃蟾宮此夕知何及老子神游不用猜

洪武庚午正月七日雪

東皇在御未班春滕六呈祥景物新一夜花明夜  
栗冽九山玉潔曉精神清浮剡曲懷思權淨洗邊  
疆戰伐塵百穀有秋端可望艸堂紀詠屬詩人日

十日喜晴

九日春霖曉忽晴鵲鳩喚婦鳥和鳴麥畦水漫人  
疏濬梅驛泥融客問程景象從今還好在江山依  
舊可憐生待看三五燒燈夜簫鼓聲中樂太平

七月廿四日喜雨口號

鑠石流金暑肆威  
椽聲響荅稻將疲  
天濡霈澤三時久  
水漫枯疇三寸奇  
雨玉雨珠那可濟  
維糜維芑實堪期  
黃童白叟爭稱道  
太守虔誠爲我祈  
八月初二日喜雨次林秉彝韻  
水涸田枯若漏瓢  
桔槔聲動徹層霄  
滂沱雨澤驅炎熯  
決漭潢汙混海潮  
今歲定期秋稔熟  
前邨已救稻枯焦  
農人鼓腹齊歡躍  
管有糧儲奉聖朝  
東皇十一月廿七日雪賦禁體詩一首  
明日小寒九冥裁剪密  
還稀驢背旗亭索酒時  
刻水懷人乘

逸興梁園授簡騁  
妍詞小寒紀節欣  
相遇瑞兆占季定  
可期莫塑獅兒供  
一笑埽來煮茗快  
幽思

七月十四日書事

雲靄冥迷風暴烈  
雷霆擊薄雨滂沱  
十圍大樹相隨壓  
百丈神龍競逐過  
潢潦驟增疑漫海  
溪流直立似縣河  
天威未霽誠當懼  
冠服兢兢念靡它

南邨詩集卷之三終

南邨詩集卷之四

題墨竹

把燭倩官奴娟娟入畫圖秋聲風雨外照見碧珊

瑚

蒼梧帝子游蕭瑟倚清秋一握冰紈裏長懸翡翠

鈎

題紈扇折枝竹

翦來青鸞尾挂向珊瑚鈎明月照清影一握湘江

秋

題画菜

曉起畦丁送長齋思益清平生耽此味厭說五侯

鯖

題飛鳴宿食百雁圖

碧漢斜書草草清宵衆語雖離莫向蘆花深處江  
南稻熟秋風

題林亭高士圖

岩壑衣冠逸士松篁琴酒閒亭坐看雲生遠岫一  
江春水泠泠

題落花游魚

蒲抽翡翠茸茸花落胭脂片片曉來戲啜游魚雨  
霽綠波如練

題王黃鶴竹石便面

貌得貧當墨未乾蕭蕭離立萬琅玕此君心事堅  
如石一握清風拂面寒

題趙海寧長松高士圖

春雷喚起蒼龍蟄鱗甲蜿蜒雲氣溼道人長鏡削  
茯苓半天風雨山精泣

外春莫春雜興次顧君舉韻

漁父鯉魚長尺半提攜不受人家喚當壚解縛換  
酒歸爛醉滄江杏花畔圖

趙待制山水圖

山外溪平不肯流山前喬木易知秋水晶宮裏清  
幽地不信無人著釣舟圖

侯仲治風雨歸莊圖

黑雨橫江天漠漠饑蛟怒吼驚濤作扁舟冒險且  
歸來正恐明朝風更惡

清曉過南屏

漏盡銅虬夜未闌曙星炯炯碧雲端馬頭籠燭衝  
寒去直過南山第二關

宮詞三首題王叔明士女

閣門傳詔宴龍池宮漏穿花月上遲準擬承恩供  
奉處縷金團扇乞新詩

大家妝著鬪時宜等候君王看月嬉三十六宮清  
夜永幽情不許外人知圖

水晶別殿十分涼金碧平橋近建章直罷歸來成



小立花深驚起宿鴛鴦  
平澌出盡直銷魂  
來如  
亦不題張渥湘妃鼓瑟圖

朱絃促柱鼓湘靈  
霧髮風鬟下紫冥  
萬頃碧波明月裏  
曲終惟見數峰青

閩門題實相海上人  
滄江一葉詩卷半  
琳承恩封  
剗剗輕於脫瓣蓮  
飄飄一葉寄栖禪  
風休月白波濤靜  
覺海重乘大願船

次韻曦講師南仲牧閑園雜詠十首  
樹林鬱茂卽祇園  
種藥栽蔬要剪繁  
甘菊醫方能

療目頻分野老淪  
昏染關王引醫容  
匪莫救無  
蒿藜非類便須鉏  
菜甲青青小雨初  
更待明年春筍出  
就林燒熟味如酥

曲徑傍邊蒼筍林  
葑頭朵朵綴璫簪  
經餘未把袈裟解  
靜嗅清香坐樹陰  
日涉名園引興長  
綠陰多處石牀涼  
花時那似今番好  
翠篠娟娟過粉墻  
幽艸疎花靜裏看  
桐陰穿膝坐蒲團  
頓除妄念機緣息  
方寸無縈眼界寬

小立花深驚起宿鴛鴦  
平澗出雲章直器氣來如  
不題張渥湘妃鼓瑟圖

朱絃促柱鼓湘靈  
霧髮風鬟下紫冥  
萬頃碧波明月裏  
曲終惟見數峰青

題實相海上人滄江一葉詩卷  
半掛承恩封  
剝剝輕於脫瓣蓮  
飄飄一葉寄栖禪  
風休月白波濤靜  
覺海重乘大願船

次韻曦講師南仲牧閑園雜詠十首  
樹林鬱茂卽祇園  
種藥栽蔬要剪繁  
甘菊醫方能

療目頻分野老淪  
眊昏柴關王半  
曾容匪莫  
蕪蒿藜非類  
便須鉏菜甲  
青青小雨初  
更待明年春  
筍出就林燒  
熟味如酥

曲徑傍邊蒼筍林  
葑頭朶朶綴璫簪  
經餘未把袈裟解  
靜嗅清香坐樹陰  
日涉名園引興長  
綠陰多處石牀涼  
花時那似今番好  
翠篠娟娟過粉墻  
幽艸疎花靜裏看  
桐陰穿膝坐蒲團  
頓除妄念機緣息  
方寸無縈眼界寬

高菖青青早芥紅引流分灌露華叢園丁采掇供  
香積日日攜筐向此中  
小築垣墉繚四陲前頭卽是梵王祠沼花新吐芬  
陀利石鉢溪泉獻一枝  
新添野圃四無隣埽徑時時欵逸民展席松陰談  
妙覺我來借榻或經旬  
芳艸池塘蛙亂啼青松未長鶴巢低坡陀誰種閒  
桃李玉立修篁箇箇齊  
牧閒不與世爭能雲護柴關玉作層客到莫嫌無

供養鑿池栽藕種菱菱

題画二首

抱琴高士

重重綠樹護清溪欲覓知音路轉迷布襪青鞋吟  
未了又隨野色過橋西

停舟高士

落落長林水一灣綠陰多處白鷗閒畏途塵滿無  
心踏獨坐船頭看晚山

次韻題柳燕

溶溶煖綠漾芳堤一握柔絲剪未齊  
簾卷東風疎雨歇  
落花香染定巢泥

題楊士賢山水  
風雨歸舟  
山雨溪風晚未休  
蕭蕭落葉滿汀洲  
漁船罷釣歸何處  
眼底狂瀾正可愁

雪林行旅  
積雪寒凝晝不消  
瑤林琪樹聳孤標  
寄言逆旅休辭倦  
西崦人家路尚遙

題馬遠竹溪吟奕圖  
好詩應向過橋成  
逸興還從對局爭  
此日山林無一事  
竹香細細晚風清

爲謝居士題画册  
山中隱居  
小小茅茨住碧山  
柴門無客晝長關  
移家更入雲深處  
城市終年不往還

竹深避暑  
萬竹林中草縛菴  
溪聲隱隱隔雲嵐  
日長客去收

經卷一枕清風睡正酣  
題本原上人悟雪卷

雪滿千山初定起  
無染清靜圓明等太虛

題袁安臥雪圖

玉琢芙蓉朵朵開  
千古不管門前縣令來

題綠竹蒼石圖爲萬竹山人壽

粉香翠影碧琅玕  
第一竿雨露恩濃磐

石固清風日日報平安

題畫梅

梨雲落莫錦雲低  
此色想應新浴武陵溪

右紅梅

明月孤山處士家  
橫筆鍊線圈成箇箇花

右墨梅

題墨芙蓉

西風采采媚秋光  
絳節朱顏翡翠裳  
只恐夜深青女妒  
洗妝研沼墨痕香

題和靖觀梅圖

小朵遙岑隔翠漪  
背籠衣袖立多時  
暗香浮處催詩句  
落月昏黃分外奇

題趙廷采溪亭讀書圖

溪山佳處構茅亭  
四面芙蓉朶朶青  
新水夜來添一尺  
湘簾高捲晝橫經

題雲莊畊隱圖

亂雲深處水回環  
南畝無多屋數間  
曉起一犁春雨足  
夕陽牛角挂書還

題觀瀑圖

千峰紫翠插芙蓉  
上界招提有路通  
更向石橋觀瀑布  
玉虹萬丈挂晴空

題雙松獨釣圖

雙松偃蹇水按藍  
幾疊遙山送碧嵐  
一葉釣舟輕似葦  
短蓑烟雨老江南

題張叔清采菡圖

秋風江上紫蕤肥童子攜筐采掇時獨有東曹能  
命駕至今此味少人知

題夏士良修篁芙蓉山送隱嵐一葉隨舟轉  
故人一別兩平過寫寄相思恨轉多欲采芙蓉隔  
秋水只聞江上竹枝歌

題畫芙蓉土界誰辨百流更向石澗歸  
蘆菹生兒菜有孫露芽雨甲媚盤飧自知肉食非  
吾相抱瓮何辭日灌園

繞屋蔬畦稱食貧雨餘齊茁翠苗新山庖頓頓殊

風致天上酥醅未足珍

題梅鶴高士圖

月明孤鶴唳前汀一樹寒梅護石屏香篆已消童  
子倦道人猶對盞珠經  
客窗聽雨四絕句次南山韻

十年歸夢剡溪船眼底江山若箇邊春事寂寥人  
意嬾一天風雨共愁眠  
蕭然一室小於船那得心情到酒邊只怕今年無  
菜麥悶來拋卷曲肱眠

處世真猶上瀨船  
紘紘人事浩無邊  
就中亦有清閒者  
醉卽高歌倦卽眠  
心辭陸樹幾只卽  
今半無新種垂楊可  
繫船尋盟日日到  
鷗邊當年曾向巴  
江泊政似如今聽  
雨眠

題詩意圖四首  
次南山贈

杖藜訪友趁蕭間  
采藥山深待未還  
流水石橋松影合  
溪童指點亂雲間

題倪雲林枯木竹石小景

蒼玉庚庚翠袖扶  
墨池洗出碧珊瑚  
倪顛老去風

流盡只有雲林小  
畫圖

題墨梅

花光三昧幻冰魂  
滿紙春風帶墨痕  
好似孤山亭子上一枝  
斜映月黃昏

開泖口號四首

縣民應役開長泖  
兩岸高低菜麥空  
程限不嚴功力怠  
監官酣酒舞裙紅  
春霖因不風  
斷岸無  
四十里長橫泖路  
會工都用六千人  
開挑兩月無成績  
主典汗慵欠拊循



溝渠堰塞爲開河河未開通雨轉多水浸麥根渾  
爛卻今年生理竟如何  
潘民六十人開辦兩月無  
萬農感額額蒼旻莫把春霖困下民種得稻禾供  
餽餉全資二麥濟飢貧  
高州菜麥空野則不嫌也

題鷓鴣

湘江岸口黃陵廟苦竹叢低雨氣昏相喚相呼泥  
滑滑長途多少客銷魂

題金華趙彥如所藏畫軸

婺女光芒地瓠靈天潢倒影湛清泠眼前不盡登

臨意都在溪山一草亭

題和靖擁爐覓句圖

一童一鶴住西湖千古高風識畫圖水影月香成  
絕唱苦吟猶自擁寒爐

題黃葵

西蜀孤芳分外清嫩黃新染越羅輕自從承卻金  
莖露向日檀心一寸傾

題雪景山水

碎剪銀河片片零芙蓉開徧玉峻嶒八窗洞啟虛

生白好似蓬婆最上層  
開闢正如削入窗  
題葵花雉雞

向日傾心矯不移  
援琴閒操雉朝飛  
仙人掌上金莖露  
滴著娟娟五彩衣  
綠采姚羅舞自舞  
承喉金題人物山水

古賦裁成學遂初  
山童研墨且徐徐  
石頭几上溪藤滑  
旋拂松花對客書  
高風滿四圍  
水邊只香如

為許玄伯題畫四圖

黃菊

道人小葺柳邊莊  
三徑西風逗晚香  
按譜秋葩班異品  
堂堂正色御袍黃

緋桃

學會徐熙筆法奇  
濃磨翠屑襯胭脂  
武陵溪上神游熟  
寫得春風小折枝

題黃葵聚蝶圖

亭亭花萼媚秋光  
露滿金梧蝶翅涼  
二月好春渾忘卻  
亂飛爭戀御羅黃

題清暑觀瀑圖

隔岸林泉照眼清  
玉虹千尺挂空青  
松風謾謾涼如洗  
一段匡廬九疊屏

題倪元鎮雲岫溪亭圖  
扁舟昔日惠山前  
裏茗來烹第二泉  
清閔老仙呼鶴處  
岡頭亭子尚依然

題林子山画次韻

子山乃松雪外孫余家有其画休承

一箇青松覆小亭  
香浮菡萏遠逾清  
日長無事拋書坐  
靜聽紋楸落子聲

題荔枝

大唐置驛貢遐方  
火齊虬珠裏蔗漿  
博得玉環纔一笑  
教坊曲奏荔枝香

題曹雲西雙松圖

泖雲西畔一詩翁  
画法營丘理趣融  
四十年前經此地  
雙松無恙草堂空

題萬玉圖

踏雪尋梅訪老逋  
西泠橋外小山孤  
疎疎密密花爭發  
好似傳來萬玉圖

題王若水戴勝

桑樹柔條葉已空  
晚來獨立語東風  
織紵自是閨房事  
喜得頻催早獻功

片片疎翎列頂旗  
娟娟文羽攬春輝  
邊庭大將能知汝  
獻捷封侯戴勝歸

北出慈雲寺詠

靈峰古剎四圍營  
立豎巖巒四十平  
前殿衆山羅立小  
爲尊一朵靈峰啟  
法門氣聚風藏龍  
脈遠元符寶殿尚  
孤存

大書置慶雲禪關

慶雲五色照清溪  
郁郁紛紛望遠迷  
第一禪關從此入  
西頭卽是古招提

身塔

一定千年與世忘  
當時起塔謹安藏  
如今試啟雲龕鑰  
爪髮還應幾許長

竺師覺花堂

續紛天雨寶優曇  
聽法升堂總戒嚴  
頓悟此心成一笑  
阿師不待覺尊拈

運師芥子室

維摩方丈未爲奇我室呼如芥  
願宜三萬二千師  
子坐著來尚可踢須彌

蘇休天蒼葡萄林  
蒼葡萄花開玉朶攢清香  
滿室似旃檀五千餘卷都  
披卻四十二章寧浪看

一室十松閣看雲  
長松落落遠塵寰  
重閣陰陰奠碧山  
盡日跏趺自怡悅  
禪心已共白雲閑

蓮池翫月

沼中淨植芬陀利  
天上高懸白玉盤  
香遠光清宵更寂  
梵餘徙倚石闌干

層巒拱翠

雲屏九疊自天開  
龍象森嚴震法雷  
莫怪山靈無供養  
六時朝禮送青來

雙溪環碧

流水縈紆遠接天  
一支分入寺門前  
且教聽講蒼龍蟄  
菩薩來乘大願船

庚午十二月十八日雪

滿載寒花玉氣浮野航一箇小於甌曉來試上城  
頭望碧海金山兩白鷗

辛未八月廿三日大風雨口號且  
大風怒吼雨如麻入得更深勢轉加曉起忽聞墻  
外語今年只損木綿花

辛未子月廿三日  
朔風顛號樹木枯層冰積雪凍模糊三冬酷冷無  
今日獸炭頻燒醉玉壺

癸酉五日六日陰七日雨

兩日寒陰人日雨不堪吼地北方癡馬牛畊戰人  
供億百穀豐凶未可知

穀日雨

寒風翦翦雨冥冥水白雲黃菜麥青聽得老農墻  
外語今年不得看參倉舍切星

九日雨

終日淋淫不肯晴晚來片片雪花零竹爐熾火驅  
寒氣缸面分醅入夜餅

赤脚雪

雪停五日未全消雲淨天清氣沈寥故老相傳名  
赤脚來年山岳要枯焦

癸卯十二月初一初六兩日聞雷  
今年臘月兩聞雷號號聲從何處來陽不閉藏先  
出地下民修省可禳苗

寒風丙子五日甲子雨雲黃菜麥青無畏  
正月上旬逢甲子試稽農曆定豐年奈何終日風  
兼雨又恐乘船入市塵

兩日三日率諸生赴禮部考試  
應試南宮聽考研諸生背讀寫鳴泉清曹儀制額  
分領次第編名奏奉天

### 十日給賞

講明三誥闡王言億萬師生沐湛恩曉起內廷催  
給賞謹持寶楮出端門

十一月十一日謝恩

四更來筵紫宸班恭謝  
皇恩仰聖顏五拜禮嚴  
三叩首春風兩袖趣東還

八月六日白露

百七  
今朝白露亥時交小雨霏微向日捎野老爲言無  
過慮歲豐天意已先教

四更廿三日氣甚恭情  
打窗風霰五更頭寒沍重陰晝不收積水森漫天  
一色望窮只益老農憂

二月六日日出二竿許松江府城爲黑氣蒙

十蔽若重霧然人對面莫辨誰某一飯頃乃  
散附城五七里間亦如是較之城中則稍  
輕耳此時處處鄉邨風日妍麗

黑氣冥濛壓府城路人交臂只聞聲須臾消散清  
如埽未卜將來作麼生

臘月五日早霜

鴛鴦萬瓦玉參差青女橫陳肆臘威曉起推窗疑  
是雪稜稜還向太陽晞

臘月九日

穀日宜晴翻作雨明朝西北大風狂 聖人在御  
民安樂未必天心降不祥

廿八日雪



杏蕊嬌紅柳眼青東風陣陣雪花明春光已是三  
之一底是嚴寒砭骨清

癸日十一月朔大雪節早見雪風至望入瑞  
狂風昨夜吼稜稜寒壓重衾若覆冰節氣今朝逢  
大雪清晨瓦上雪微凝

臘月乙卯日巳卯時雷從西北方起  
連朝氣候若春溫曉日曛曛忽慘昏一道金光飛  
閃電雷聲號號震天門

黑庚正月十七日

上元次夕月華明雪霰繽紛欲二更曉起作花飛  
向日苦寒砭骨勢崢嶸

正月廿二日夜三更雷始鳴

風狂雨急夜三更隱隱春雷已作聲節候數來先  
十日多應群蟄未全驚

南浦

會波邨在松江城北三十里其西九山離  
立若幽人冠帶拱揖狀一水兼九山南過  
邨外以入于海而溝塍畎澮隱翳竹樹間

春時桃花盛開雞犬之聲相聞殊有武陵  
風槩隱者停雲子居焉一舟曰水光山色  
時放乎中流或投竿或彈琴或呼酒獨酌  
南或哦咏陶謝韋柳詩殆將與功名相忘嘗  
十日參坐余舟中作茗供襟抱清曠不覺度成此  
風五兩曲主人卽譜入中呂調命洞簫吹之與童  
子擢歌相荅極鷗波縹緲之思云

如此好溪山羨雲屏九疊波影涵素暖翠隔紅塵  
空明裏著我扁舟容與高歌鼓柁鷗邊長是尋盟

去頭白江南看不了何況幾番風雨畫圖依約  
天開蕩清暉別有越中真趣孤嘯柘篷窗幽情遠  
都在酒瓢茶具水蒹菼搖晚月明一笛潮生浦欲  
問漁郎無恙否回首武陵何許

一萼紅

賦紅梅次郭南湖韻

水雲鄉又南枝逗煖綽約漢宮妝春艷穠分朱鉛  
淺試翠袖獨倚修篁想應道東風料峭剪霞彩零  
亂補綃裳勾漏尋真丹丘授訣傲睨冰霜畢竟

孤標還在縱天桃繁杏難侶寒香瑪瑙坡頭珊瑚  
樹底江南別是風光且莫倚高樓玉管怕輕盈飛  
處誤劉郎依舊小窗疎影淡月昏黃

露華

一賦碧桃用南湖韻

武陵夜寂記露影璇空一笑曾識素臉暈鉛巧把  
黛螺輕羃莫是歌渡烟江浣卻舊家顏色還又訝  
深宮紺袖唾花猶溼問他阿母消息甚落莫梨  
雲青鳥難覓不比錦紅輕薄容易狼籍嫩綠護出

溪頭誰顧采香仙客春晚也頻溫玉笙是得

念奴嬌

九日有感次友人韻

黃花白髮又恩恩佳節感今懷昔雨覆雲翻無限  
態故國寒烟榛棘杜老漂零沈郎瘦損此意天應  
識劃然長嘯不知身是孤客呼酒漫裓清愁玉  
奴頻勸兩臉添春色眼底平生空四海倦拂紅塵  
風憤戲馬臺荒登龍人老往事休追惜山林無恙  
也須容我高屐

木蘭花慢

占中山一隅雲掩靄水縈紆便小理蔬畦深鉏菊  
圃細斃花衢平生幾番小隱到而今方稱列仙臞  
問字溪翁載酒執經弟子將車浪猗歎心迹混樵  
漁安用絕交書向石上圍棋松陰搗藥樂意偏殊  
當年輞川圖画有林泉如此更何如旋買良田種  
秫只知吾愛吾廬

賦落梅

東閣詩慳西湖夢淺好音難託香消玉削早孤標  
頓非昨阿誰底事頻橫笛不道是江南搖落向空  
階閒砌天寒日暮病鶴輕啄情薄東風惡試快  
覓飛璫共翔寥廓冰魂漠漠謾憐金谷離索有時  
巧綴雙蛾綠天做就宮妝綽約待一點脆圓成須  
信和羹問卻

九歲遊兵三吳百歲二十五年維播逐羈旅必以心卷  
映自隱通事肯縈印採葉書之投破甕埋枿下



